

ტანკთი ბეჭედი, „ვერსი“ ჟურნალი

# ვერსი

ფასი 50 თეთრი



ორშაბათი

ოთხშაბათი

პარასკევი

№59 (1085) 29 - 31 მაისი, 2015 წელი



## ფინანსური დარღვევები ენერგეტიკის სამინისტროში

სახელმწიფო  
აუდიტის  
სამსახურის  
დასკვნა

გვ. 3

### „მიზან დაკიდული ბაღი“ ნაღბურდება!

გვ. 7

ექსპლუზივი

გვ. 5

### განსათქვილება ნაციონალებში

დაღის ნერილს  
„შენიერული“ ქურდი  
პასტიმრის დღიური

როგორ აღმოაჩინა ავტორიფეცმა მშობლების ნახუქარ მედადიონში წერიდი და რაწომ გაიკუთა „წამდის“ დიდი დობა

გვ. 6

რაბომ ბათიუმს „ოზიექტივი“  
სინეაბუმი და ვის  
ეშუქრება  
დაჭერით დავით  
თარხან-მოურავი

პაწრიოცთა  
აღიანსის  
დიდერი ყვედა  
ბრადდებს  
პასუხობს

გვ. 4

აფხაზური ენა  
გადაშენების პირასაა

გვ. 8

რას აკუთებს აფხაზეთის  
მოაზრობა ენის გადასარჩენად



# საბანკო ზედამხედველობის სამსახურის შესახებ კანონპროექტმა ეკონომიკის ექსპერტები დააინტერესა



## რაცომ დავოვს პრეზიდენტის ადმინისტრაციის შენობა დემურ გიორხელიძემ და სანდრო თვალჭრელიძემ

მანია მიხეილაძე  
593-51-90-12

საქართველოს პრეზიდენტის ადმინისტრაციის უფროსის მოადგილე, პრეზიდენტის მრჩეველი ეკონომიკურ საკითხებში გიორგი აბაშიშვილი პრეზიდენტის ადმინისტრაციის შენობაში ეკონომიკური პროფილის ექსპერტებსა და ანალიტიკოსებს შეხვდა. შეხვედრაზე საქართველოს პარლამენტის საფინანსო-საბიუჯეტო კომიტეტის თავმჯდომარის, თამაზ მეჭიაურისა და ამავე კომიტეტის წევრის, ნოდარ ებანოიძის ინიცირებულ კანონპროექტზე იმსჯელეს, რომლითაც ეროვნულ ბანკს საბანკო ზედამხედველობის სამსახური უნდა გამოეყო. აბაშიშვილის თქმით, ეკონომიკის ექსპერტებს შორის არსებობს კონსენსუსი, რომ ეკონომიკა პოლიტიკისგან თავისუფალი იყოს. მისივე თქმით, ექსპერტები თანხმდებიან, რომ ეროვნულ ბანკთან დაკავშირებით კანონპროექტი ნაჩქარევად მომზადდა. ანალიტიკოსმა დემურ გიორხელიძემ და ექსპერტმა ალექსანდრე თვალჭრელიძემ შეხვედრა დასრულებამდე დატოვეს.

„ვერსიასთან“ საუბრისას, **დემურ გიორხელიძე** აღნიშნა, რომ ამ შეხვედრაზე საქმიანი განხილვის ნაცვლად, ცალკეულმა ექსპერტებმა და არასამთავრობო ორგანიზაციების წარმომადგენლებმა, ნაციონალური მოძრაობის პოზიციები და ეროვნული ბანკის პრეზიდენტი გიორგი ქადაგიძე დაიცვეს. ამიტომ, ეს შეხვედრა დატოვა: „შეხვედრაზე ვიმსჯელეთ, როგორ განვითარდება მოვლენები იმ შემთხვევაში, თუ პარლამენტი ეროვნული ბანკის შემადგენლობიდან საბანკო ზედამხედველობის სამსახურის გამოყოფის შესახებ კანონს მიიღებს. პრობლემა არსებობს, ეროვნული ბანკი, მისი დღევანდელი ხელმძღვანელების გამო, საბანკო ზედამხედველობის ფუნქციას არ ასრულებს და ბანკები უკვე მონსტრ სტრუქტურებად გადაიქცნენ, რომლებიც ეკონომიკის განვითარებას სერიოზულად უშლიან ხელს. ბანკების რეგულაცია და ზედამხედველობა აუცილებელია, თუმცა რაკი ეროვნული ბანკის ამჟამინდელი ხელმძღვანელების შემადგენლობაში ასეთი სურვილი არ არსებობს, ეროვნული ბანკის შესუსტებისა და მისგან ამ სამსახურის გამოყოფის იდეა გაჩნდა. მთავარი, საბანკო ზედამხედველობის სამსახურის მდებარეობა კი არა, პოლიტიკური ნებაა! თუ ხელისუფლების პოლიტიკური ნება იქნება, შესანიშნავად შეიძლება, ეს ფუნქცია ეროვნულ ბანკს შეესრულებინა. თუმცა ვინაიდან ეროვნული ბანკი ამ ფუნქციას არ ასრულებს, საბანკო ზედამხედველობის სამსახური მისგან დამოუკიდებლად იარსებებს. პრობლემა ის არის, რამდენად მივდივართ ინსტიტუტების მშენებლობაზე და არა ის, რომ გიორგი ქადაგიძის გამო, ეროვნული ბანკის სტრუქტურა დავაზიანეთ. აი, ასეთ სერიოზულ მსჯელო-

ბას ესწრებოდა ადამიანთა გარკვეული ჯგუფი, რომლებიც ქადაგიძისა და ნაციონალური მოძრაობის იდეოლოგიის დაცვას ცდილობდნენ. ჩემთვის ეს გარემო მიუღებელია და შეხვედრა ამიტომ დავტოვე“.

დემურ გიორხელიძის განცხადებით, მართალია, მეჭიაური-ებანოიძის კანონპროექტი იდეალური და კარგი არ არის, მაგრამ თუ საქართველოს პრეზიდენტი გიორგი მარგველაშვილი, ამ კანონპროექტს ვეტოს ხისტად დაადებს, დაზარალდება. გიორხელიძის მოსაზრებით, ვინაიდან ბანკების მიმართ, საზოგადოების ნაწილს ნეგატიური განწყობა აქვს, უმჯობესი იქნება, თუ პრეზიდენტი დეტალურად აწონ-დანონის ვითარებას: „იმისთვის, რომ პრეზიდენტი ჩიხში არ აღმოჩნდეს და სწორი გადაწყვეტილება მიიღოს, ვეტოს გადაწყვეტილება ნაჩქარევად არ უნდა მიიღოს. ამ კარაა, რომ საპარლამენტო უმრავლესობა ამ კანონს მიიღებს, რაც პრეზიდენტს ცუდ მდგომარეობაში ჩააყენებს. მეორე მხრივ, რაკი ქვეყნის პერსპექტივებზე ვსაუბრობთ, ხელისუფლებას შევთავაზობ, ეროვნული ბანკის მოდერნიზაციის კონცეფცია შეიმუშაოს და არა ეპიზოდური კანონპროექტი. სწორედ საერთო კონცეფციაში შევძლებდით მოვძებნოთ სწორი ადგილები და თუ რამე არასწორად მოგვეჩვენებოდა, კრიტიკულ შეხედულებებსაც გამოვხატავდით. ვფიქრობ, ეს იქნებოდა პოლიტიკურად სწორი ნაბიჯი და არა დაპირისპირება საკანონმდებლო და პრეზიდენტის სახელისუფლებო შტოებს შორის, რადგან ამ დაპირისპირებაში მოგებული არავინ დარჩება“.

ექსპერტმა ეკონომიკის საკითხებში, **სანდრო თვალჭრელიძემ** „ვერსიას“ განუცხადა, რომ შეხვედრა იმ დაპირისპირების გამო დატოვა, რომელიც ცალკეულ ექსპერტებს შორის გაიმართა. მისი თქმით, ასეთ გარემოში შეხვედრის გაგრძელება მიუღებელი იყო: „ასეთი მაღალი კვალიფიკაციის ექსპერტებს საკუთარი ემოციების მოთოკვა უნდა შეეძლოთ. რაც შეეხება კანონპროექტს, რომლითაც ეროვნულ ბანკს საბანკო ზედამხედველობის სამსახური უნდა გამოეყო, ცალსახად ვთვლი, რომ საქართველოს ორგანული კანონი ეროვნული ბანკის შესახებ, ცუდია. ეროვნული ბანკის პრეზიდენტი გიორგი ქადაგიძე აბსოლუტურად მართალია, როდესაც აცხადებს, რომ კანონს არ არღვევს, მაგრამ ამავედროულად, ზიანს აყენებს საქართველოს, ამიტომ ეროვნული ბანკის შესახებ კანონმდებლობა უნდა გადაიხედოს, მაგრამ არა ასეთი, უსუსური გზით. დიახ, ეროვნული ბანკი ჩვენი ფინანსური სექტორის მაკონტროლებელია, მაგრამ მას არავინ აკონტროლებს და იმას აკეთებს, რაც უნდა. ამის მაგალითია თუნდაც ის ფაქტი, როდესაც ქადაგიძე, ბიძინა ივანიშვილის ქართუ ბანკს უბოდიშოდ აკოტრებდა“.

რაც შეეხება მეჭიაური-ებანოიძის კანონპროექტს, სანდრო თვალჭრელიძემ „ვერსიასთან“ საუბრისას აღნიშნა, რომ ეს საკითხი ფულად-საკრედიტო პოლიტიკის სპეციალისტებმა უნდა განიხილონ და სწორი გადაწყვეტილება მიიღონ. თუმცა ექსპერტები მიაჩნია, რომ ამ მიმართულებით, საკმაოდ სერიოზული და ხისტი ზომებია მისაღები, რადგან, მისი თქმით, საქართველოში კომერციული ბანკები გამდიდრდნენ, ხოლო ხალხი გაღარიბდა.

### ვერსიანისი

## აღაშენებლის გამოჩნდა მოძრაობა ორი კვირით შეიზღუდა



ჩუღურეთის რაიონში, ინფრასტრუქტურული სამუშაოების გამო, ქოროხის ქუჩიდან ზაარბრუკენის მოედნამდე სატრანსპორტო საშუალებების მოძრაობა 2 კვირით, 10:00-დან 18:00 საათამდე შეიზღუდება.

შეზღუდვა არ შეეხება საზოგადოებრივ ტრანსპორტს, რომელიც ჩვეულ რეჟიმში განაგრძობს მოძრაობას. დავით აღმაშენებლის გამზირზე საფეხმავლო გზისა და ბორდიურების შეკეთება მიმდინარეობს.

2 500 კვ. მეტრის ფართობის საფეხმავლო გზისა და ბორდიურების შეკეთებას შს „დრო“ აწარმოებს. პროექტის ღირებულება 60 ათას ლარს შეადგენს. ჩუღურეთის რაიონში, 2015 წლის საბიუჯეტო ასიგნებებით, გზებისა და შიდაუბოების მოასფალტებისთვის 2 მილიონი ლარია გათვალისწინებული.

„პირველი“



## დაღუპული პოლიციელის ოჯახი ნაჩქარ ბინაში გადავიდა

სამსახურებრივი მოვალეობის შესრულების დროს დაღუპული პოლიციელის — გიორგი ბერუაშვილის ოჯახის წევრები იმ ბინაში მივიდნენ, რომლის გასაღები შს მინისტრმა, ვახტანგ გომელაურმა მათ პირადად გადასცა. გასაღების გადასაცემად მინისტრი პოლიციელის ოჯახის წევრებს, გიორგი ბერუაშვილის სახელობის სკვერისა და მისი სსოვნისადმი მიძღვნილი მემორიალის გახსნის ცერემონიაზე შეხვდა. კეთილმოწყობილი, საჭირო ავეჯითა და ტექნიკით აღჭურვილი საცხოვრებელი ბინა თბილისში, დიდ დილოში მდებარეობს.

„ვერსიანისი“

## ტურისტების მოსაზიად საერთაშორისო კამპანია დაიწყო

საქართველოს ტურიზმის ეროვნული ადმინისტრაცია სხვადასხვა ფორმით, საქართველოს ტურისტული პოტენციალის წარმოდგენასა და მრავალმილიონიანი აუდიტორიისათვის შეთავაზებაზე აქტიურად მუშაობს. საქართველოს ტურიზმის ადმინისტრაციის თავმჯდომარის, გიორგი ჩოგოვადის განცხადებით, რამდენიმე ქვეყნის ყველაზე ცნობილი მედიასა-შუალედების მეშვეობით საქართველომ აქტიურად შექმნა: „ეს არის ტურიზმის ეროვნული ადმინისტრაციის აქტივობები. მათ შორის, სარეკლამო კამპანიები 9 ქვეყანაში. ასევე საერთაშორისო სარეკლამო კამპანიები ისეთი ცნობილი მედიასაშუალებებით, როგორც ვახლავთ, „სი-ენ-ენი“ და „ევრონიუსი“. „ევრონიუსზე“ 21 კვირის განმავლობაში იტრიალებს როგორც საქართველოს საიმიჯო კლიპი, ასევე საქართველოში სპეციალურად ტურისტების მოსაზიად გადაღებული 4 გადაცემა და კოლაჟური სარეკლამო მინი კლიპები“.

ტურიზმის ადმინისტრაცია, ტურიზმის ნახალისების კუთხით, ქვეყნის შიგნითაც აქტიურად მუშაობს: „აქტიურად ვმუშაობთ, რომ შიდატურიზმი წავახალისოთ და ამისთვის ახალი მარკეტინგული კამპანია — „გაიცანი საქართველო“ წამოვიწყეთ. კამპანიის შინაარსი და მთავარი მიზანია, მოქალაქეებმა უკეთ გაიცნონ საკუთარი ქვეყანა“.

ჩოგოვადის განმარტებით, რამდენიმე რეგიონში უკვე ტურისტების მატება შეიმჩნევა. მისი ვარაუდით, ზღვის სეზონის გახსნასთან ერთად, ტურისტების რიცხვი, უფრო გაიზრდება. საქართველოს მიმართ ყველაზე მეტი ინტერესი მეზობელი ქვეყნების მოქალაქეებს აქვთ: „ყველაზე მეტი ტურისტი ზაფხულში ჩამოდის. ტურისტების ნაკადის შემოსვლა უკვე დაწყებულია. მაგალითად, კახეთში, ყაზბეგში. ახალციხეში. სვანეთში, თუშეთსა და ხევსურეთში სეზონი ცოტა გვიან დაიწყო. ზღვის კურორტებზე სეზონი ივნის-ივლისიდან იწყება და სექტემბრის ბოლომდე გრძელდება. საქართველოს, განსაკუთრებით შავი ზღვისპირა რეგიონში, ბევრი სასტუმრო ემატება. მნიშვნელოვანია, რომ, 5-ვარსკვლავიანი სასტუმროების გარდა, 4 და 3-ვარსკვლავიანი და საოჯახო სასტუმროებიც იხსნება, რაც ტურისტებს არჩევანის გაკეთებაში დაეხმარება“.

„პირველი“

## უბაღურ შემთხვევას ხულოში 43 წლის მამაკაცის სისოხსა ემსხვერპლა



შემთხვევა ხულოს მუნიციპალიტეტის სოფელ განახლებაში მოხდა. საკუთარი მინის ნაკვეთის დამუშავების დროს, მამაკაცი მოტობლოკმა ჩაითრია.

„მამაკაცი საკუთარ მინის ნაკვეთს ამუშავებდა, როდესაც შექანიშმა ჩაითრია. სასწრაფო დახმარების ბრიგადა დროზე მოვიდა, თუმცა იგი უკვე გარდაცვლილი იყო“, — აცხადებს ხულოს მუნიციპალიტეტის გამგებელი ბესიკ ბაუჩაძე. ბაუჩაძის განცხადებით, სოფელში მექანიზატორით ადამიანის დაზიანების შემთხვევა ადრეც ყოფილა, თუმცა ეს გარდაცვალების მიზეზი არ გამხდარა.

„პირველი“



მანია მიხეილაძე  
593-51-90-12

სახელმწიფო აუდიტის სამსახურმა საქართველოს ენერჯეტიკის სამინისტრო შეამოწმა. სახელმწიფო აუდიტორებს ვიცე-პრემიერის, კახა კალაძის უწყებაში ისეთი დარღვევა არ აღმოუჩინიათ, რის გამოც დასკვნა მთავარ პროკურატურაში გადაგზავნიდნენ. „ვერსიას“ აუდიტის სამსახურში განუმარტეს, რომ შემოწმების დროს ენერჯეტიკის სამინისტროში, ძირითადად, ფინანსური დარღვევები აღმოჩნდა, რომელთა გამოსწორებაც შესაძლებელია. 2014 წლის განმავლობაში, ენერჯეტიკის სამინისტროს საშტატო ნუსხით დამტკიცებული თანამშრომელთა რაოდენობა სრულად დაკომპლექტებული არ ყოფილა და წლის განმავლობაში, 23 ვაკანტური თანამდებობიდან, არც ერთ მათგანზე კონკურსი არ გამოცხადებულა. შედეგად, ენერჯეტიკის სამინისტრომ შრომის ანაზღაურების მუხლში 28 440 ლარი დაზოგა, რის ხარჯზეც, პრემიები და სახელფასო დანამატები გასცა.

**დარღვევები ენერჯეტიკის სამინისტროში**

სახელმწიფო აუდიტის სამსახურმა, საქართველოს ენერჯეტიკის სამინისტროს კონსოლიდირებული ბუღალტრული ანგარიშგების აუდიტი ჩაატარა, რომელიც მოიცავს ბალანსს 2014 წლის 31 დეკემბრის მდგომარეობით. ამ ანგარიშში ასახულია ინფორმაცია, რომელიც ხარჯებს, არაფინანსური აქტივებით საკასო ოპერაციებს, ფინანსური აქტივებითა და ვალდებულებებით საკასო ოპერაციებს, წმინდა ღირებულებებს, ეკონომიკური საქმიანობით მიღებულ სახსრებს, არაფინანსური აქტივების მიღება-გასვლას, ეკონომიკური ნაკადების შედეგად ფინანსური აქტივების, ასევე ვალდებულებების ცვლილებებსა და არაფინანსური აქტივების ანალიზურ აღრიცხვას ეხება.

ენერჯეტიკის სამინისტროს ხელმძღვანელობა პასუხისმგებელია ბუღალტრული ანგარიშგების მომზადებასა და მის წარდგენაზე. ეს პასუხისმგებლობა მოიცავს შიდაკონტროლის სისტემის შემუშავებას, დანერგვასა და შენარჩუნებას, რაც საჭიროა ისეთი ბუღალტრული ანგარიშგების მომზადებისა და წარდგენისათვის, რომელიც არ შეიცავს შეცდომით, ან განზრახ არამართლზომიერი ქმედებით (თაღლითობით) გამოწვეულ არსებით უზუსტობას.

საქართველოს ენერჯეტიკის სამინისტრო და საჯარო სამართლის იურიდიული პირი (სსიპ) „საქართველოს ნავთობისა და გაზის სახელმწიფო სააგენტო“, განთავსებულია თბილისში, სახანაბროს ქ. №2-ში (იუსტიციის სახლის შენობა). სამინისტროს დაკავებული აქვს 2.388 კვადრატული მეტრი, ხოლო სააგენტოს 276 კვ.მ იმის გამო, რომ იუსტიციის სახლის შენობა ექსპლოატაციაში მიღებული არ არის, საჯარო რეესტრის ამონაწერში სამინისტროსა და სააგენტოს სარგებლობის უფლება ამ ქონებაზე არ ფიქსირდება. მეტიც, მათ ბალანსზე შენობის ღირებულება ასახული არ არის.

სახელმწიფო აუდიტის შედეგად გაირკვა, რომ 2014 წლის 29 აგვისტოს, შპს „ქეიჯი ენერჯისგან“ ენერჯეტიკის სამინისტროს უსასყიდლოდ გადაეცა „ბახვი 1-2“ ჰესისა და „ბახვი 5“ ჰესის პროექტის განხორციელებასთან დაკავშირებული ტექნიკურ-ეკონომიკური კვლევების ამსახველი დოკუმენტაცია, რომლის ჯამური ღირებულება 2 808 622 ლარია. ეს დოკუმენტაცია სამინისტროს ბალანსზე არასახსრად აღურიცხვიათ, რის გამოც მარაგის ანგარიშზე უნდა ასახულიყო. შესაბამისად, მასზე დარიცხულია ძირითადი კაპიტალის მოხმარება ისტორიული ღირებულების 1%-ის ოდენობით, რაც 28 086 ლარია. სამინისტრო ამ აქტივს

# ფინანსური დარღვევები ენერჯეტიკის სამინისტროში



## 2014 წელს, კადასის უწყებაში 1 650 870 ლარის პრემია და დანამატი გასცეს

არ იყენებს და ვერ აკმაყოფილებს ძირითად აქტივად აღიარებისთვის ფინანსთა მინისტრის ბრძანებით დამტკიცებული ინსტრუქციით განსაზღვრულ მოთხოვნებს. აქედან გამომდინარე, სახელმწიფო აუდიტები ასკვნია, რომ ამ აქტივს ცვეთა არ უნდა დაერიცხოს. ეკონომიკური კლასიფიკაციის მიხედვით, ხარჯების შესახებ ანგარიშში, ანუ „ფორმა №2“-ში, ძირითადი კაპიტალის მოხმარება არამართებულად, 28 086 ლარითაა გაზრდილი.

**დარღვევები ბუღალტრულ აღრიცხვაში**

2014 წლის 1 მაისს, ენერჯეტიკის სამინისტროს, სს „საპარტნიორო ფონდმა“ უსასყიდლოდ გადასცა ონის ჰიდროელექტროსადგურების კასკადის პროექტის განხორციელებასთან დაკავშირებული დოკუმენტაცია და აქტივები, რომლის ჯამური ღირებულება 3 122 486 ლარია. აღნიშნული ოპერაცია სამინისტროს ბუღალტრულ ჩანაწერებში ასახულია, როგორც პირდაპირ წმინდა ღირებულებისა და ძირითადი აქტივების ზრდის სახით.

ფინანსთა მინისტრის ბრძანებით დამტკიცებული ინსტრუქციის მიხედვით, ძირითადი აქტივების უსასყიდლოდ მიღება აისახება ძირითადი აქტივების შესაბამისი ანგარიშების დებეტსა და გრანტების ან სხვა შემოსავლების ანგარიშების კრედიტში, ხოლო ერთი დონის სახელმწიფო ერთეულების შემთხვევაში – წმინდა ღირებულების ანგარიშის კრედიტში. იქიდან გამომდინარე, რომ სამინისტრო და სს „საპარტნიორო ფონდი“ ერთი დონის სახელმწიფო ერთეულებს არ წარმოადგენენ, სახელმწიფო აუდიტების დასკვნით, აღნიშნული ტრანზაქცია უნდა ასახულიყო ძირითადი აქტივების შესაბამისი ანგარიშების დებეტსა და გრანტების ან სხვა შემოსავლების ანგარიშების კრედიტში.

**დარღვევები შრომის ანაზღაურებაში**

2014 წლის განმავლობაში, ენერჯეტიკის სამინისტროს საშტატო ნუსხით დამტკიცებული თანამშრომელთა რაოდენობა სრულად დაკომპლექტებული არ ყოფილა და 23 ვაკანტური თანამდებობიდან, წლის განმავლობაში არც ერთ მათგანზე კონკურსი არ გამოცხადებულა. შედეგად, შრომის ანაზღაურების მუხლში 280 440 ლარის ეკონომია დაგროვდა, რის ხარჯზეც ენერჯეტიკის სამინისტრომ პრემიები და სახელფასო დანამატები გასცა.

2014 წლის განმავლობაში, როგორც სამინისტროს, ასევე სააგენტოს თანამშრომლები, ყოველთვიურად, შრომის ანაზღაურებას პრემიის სახით, 2014 წლის ივნისის ჩათვლით იღებდნენ. არადა, მთავრობის დადგენილებით, საბიუჯეტო ორგანიზაციებში ამ პერიოდულობით პრემიების გაცემა შეიზღუდა. თუმცა, როგორც ენერჯეტიკის სამინისტრომ, ასევე „საქართველოს ნავთობისა და გაზის სახელმწიფო სააგენტომ“, 2014 წლის ივლისშივე გამოსცეს ბრძანებები სახელფასო დანამატების დამტკიცების შესახებ, რომლითაც თანამშრომლებზე გაცემულმა დანამატებმა იგივე ციფრი — 280 440 ლარი შეადგინა, რაც მანამდე პრემიების სახით გაიცემოდა.

სახელმწიფო აუდიტორების დასკვნით, 2014 წლის პირველ ორ კვარტალში, პრემიის სახით, ენერჯეტიკის სამინისტროს თანამშრომლებზე 412 975 ლარი, ხოლო ბოლო ორ კვარტალში დანამატის სახით — 451 890 ლარი გაიცა. ანალოგიურად, სსიპ „საქართველოს ნავთობისა და გაზის სახელმწიფო სააგენტოს“ თანამშრომლებზე პრემიის სახით, პირველ ორ კვარტალში 124 045, ხოლო დანამატის სახით, ბოლო ორ კვარტალში 101 080 ლარი გაიცა.

2014 წლის განმავლობაში, ენერჯეტიკის სამინისტროსა და სააგენტოს თანამშრომლებზე გაცემული პრემიები და დანამატები რომ დავაჯამოთ, გამოდის, რომ მთლიანობაში, ამ მიზნით, კახა კალაძის უწყებაში 1 650 870 ლარი დაიხარჯა. რაც მთავარია, ენერჯეტიკის სამინისტროსა და სააგენტოს თანამშრომლებმა სახელფასო დანამატების დანიშვნის მიზანშეწონილობასთან დაკავშირებით, სახელმწიფო აუდიტორებს შესაბამისი დოკუმენტი ვერ წარუდგინეს.

**2014 წლის სახელმწიფო ბიუჯეტთან შესაბამისობა**

2014 წლის მარტსა და აპრილში, სსიპ „სახელმწიფო ნავთობისა და გაზის სააგენტოს“ შტატგარეშე მომუშავეთა რაოდენობა 6 თანამშრომელს შეადგენდა. შესაბამისად, დარღვეულია საქართველოს 2014 წლის სახელმწიფო ბიუჯეტის შესახებ კანონი, რომლითაც საბიუჯეტო ორგანიზაციაში შტატგარეშე მომუშავეთა რაოდენობა არ უნდა აღემატებოდეს საშტატო რაოდენობის 2%-ს, ხოლო იმ ორგანიზაციებში, სადაც საშტატო რაოდენობის 2%, 5 ერთეულზე ნაკლებია, ხელშეკრულების თანახმად, დაქირავებულთა რაოდენობა 5 ერთეულს არ უნდა აღემატებოდეს.

რაც შეეხება სახელმწიფო შესყიდვებს, 2014 წლის განმავლობაში, სამინისტროს მიერ განხორციელებული 269 შესყიდვის ჯამური სახელშეკრულებო თანხა 3 591 398, ხოლო საკასო ხარჯი 3 128 348 ლარი იყო. საყურადღებოა, რომ სამინისტროს მიერ, 2014 წლის განმავლობაში, სახელმწიფო შესყიდვებზე, ავანსად 1 491 929 ლარი გაიცა, საიდანაც 3 240 ლარი პირველ კვარტალში გადაიხადეს, ხოლო დარჩენილი 1 488 689 ლარი, სამშენებლო სამუშაოებისთვის მეოთხე კვარტალში გასცეს ავანსად.

**სახელმწიფო სანაგებობა გაყვანილი სესხების აღრიცხვა**

2014 წლის განმავლობაში, სახელმწიფო ბიუჯეტიდან, საქართველოს ენერჯეტიკის სამინისტრო 168 660 109 ლარით დაფინანსდა. მთლიანი ახივებებიდან, 56 176 515 ლარი, საშინაო სესხების სახით, ფინანსური აქტივების ზრდის მუხლიდან გაიხარჯა. სესხები საქართველოს მიერ აღებული საგარეო ვალებიდან გაიცა, უფრო ზუსტად, ფინანსთა სამინისტრომ საგარეო ვალი შპს „ენგურჰესსა“ და სს „საქართველოს სახელმწიფო ელექტროსისტემაზე“ გადაასესხა. ამ სესხებიდან 17 088 610 ლარი, შპს „ენგურჰესსმა“ ენერჯეტიკის სამინისტროს სახაზინო ანგარიშში გაავლით მიიღო, დანარჩენი 39 087 905 ლარი — უშუალოდ შპს „ენგურჰესსისა“ და სს „საქართველოს სახელმწიფო ელექტროსისტემის“ საბანკო ანგარიშებზე ჩარიცხეს.

სახელმწიფო აუდიტორების დასკვნის მიხედვით, აღნიშნული სესხები ენერჯეტიკის სამინისტროს ბალანსზე აქტივის სახით არ ასახულა. ამ თანხებით, შესაბამის ანგარიშებთან კორესპონდენციით, წმინდა ღირებულება შემცირდა. აღსანიშნავია ისიც, რომ კონკრეტულად ეს სესხები საქართველოს ფინანსთა სამინისტროს ბალანსზეც არ ასახულა.

### პარლიამენტი

#### საქართველოს ენერჯეტიკის სამინისტროში მსხვილი ინვესტიცია განხორციელდა

ისრაელის ცნობილი კომპანია „პეგასუსი“ და უმსხვილესი ჩინური კომპანია CEFC საქართველოს ენერჯეტიკის სამინისტროს განხორციელებას გეგმავენ. ინვესტირებასთან დაკავშირებით, ამ ეტაპზე მოლაპარაკებები მიმდინარეობს. მსხვილი ინვესტირება საქართველოს პრემიერ-მინისტრი ირაკლი ღარიბაშვილი, ეკონომიკური საბჭოს მდივან, ბიზნესომბუდსმენ გიორგი გახარიასთან ერთად შეხვდა. შეხვედრას ისრაელში მოღვაწე ბიზნესმენი, მიხეილ მირილაშვილი, კომპანია Pegasus East West-ის თავმჯდომარე რაფი კამინერი და კომპანია CEFC-ის წარმომადგენლები დაესწრნენ.

„პირველი“



#### შვეიცარიის საელჩო მუშახელის მოძიებასთან დაკავშირებით გაკრძალულ ინფორმაციას არ აღასტურებს



საქართველოში შვეიცარიის საელჩოს ცნობით, ინფორმაცია, თითქოს შვეიცარია აქტიურად ახდენს მუშახელის მოძიებას შვეიცარიაში სოფლის მეურნეობის სფეროში დასაქმების მიზნით, სინამდვილეს არ შეესაბამება: „ბოლო დროს საქართველოს საინფორმაციო წყაროებსა და სოციალურ ქსელებში გავრცელდა ინფორმაცია, თითქოსდა შვეიცარია აქტიურად ახდენს მუშახელის მოძიებას შვეიცარიაში სოფლის მეურნეობის სფეროში დასაქმების მიზნით. ეს ინფორმაცია არ შეესაბამება სინამდვილეს. საქმე ისაა, რომ შვეიცარიის ფერმერთა კავშირი და მიგრაციის სახელმწიფო სამსახური ახორციელებენ მცირე საპილოტო პროექტს, რათა დადგინდეს, თუ რამდენად შესაძლებელია შვეიცარიაში უკვე მცხოვრები და ლტოლვილის სტატუსის მქონე პირების დასაქმება სოფლის მეურნეობის დარგში“.

საელჩოს ცნობით, საქართველოს მოქალაქეებისათვის შვეიცარიაში შესვლისა და იქ ყოფნის რეგულაციები უცვლელი რჩება.

bpn.ge



# რატომ გათიშეს „ოპიქტივი“ სიხეხუი და ვის ემუქრება ღაჭყალით ღავით თარხან-მოურავი



ენიშ კომპანიის  
599-95-33-16

საქართველოს პატრიოტთა ალიანსის თავმჯდომარე ღაჭყალით თარხან-მოურავი „ვერსიის“ რესპონდენტი პირველადია. თუმცა მისი ინტერვიუები ხშირად არც სხვა მედიასაშუალებებში შეგვხვდებათ. სვანურ-მეგრული რამდენიმე დღიანი შეხვედრებიდან დაბრუნებული პოლიტიკოსი საკუთარ აზრს ნაციონალურ მოძრაობასა და „ოცნებაზე“ ექსკლუზიურად გვიზიარებს და ყველა ბრალდებას პასუხობს, რაც პარტიის წინააღმდეგ მისი დაარსების დღიდან გვესმის.

## პატრიოტთა ალიანსის დიდერი ყველა ბრალდებას პასუხობს

არც მათზე ნაკლებ სენატორსა და გავლენიან პირს ვიცნობთ. არც ჩვენი გამოსვლები და ლოზუნგებია პრორუსული. ამ ქორმა ფეხი ვერ მოიკიდა, ამიტომ ახლა ახალი თეორიაა გააჩინეს, რომ ყველაფერი ქართული ანტიდასავლურ ნიშნავს. ამ ახალი იდეოლოგიის არსი საერთოდ ვერ გავიგე. ამ სისულელეებს კი ნაციონალურ მუდმივად აქეთ-იქეთ აფრქვევენ.

— ერთი საინტერესო განცხადება გაქვთ — ამერიკა უნდა გახდეს ნომერპირველი მოკავშირე რუსეთთან ურთიერთობაში. ამას პრაქტიკაში როგორ ხედავთ?

— ურთიერთობა ამერიკასთანაც უნდა მოვანსერიგოთ და რუსეთთანაც. ორივე მხარესთან საუბრისას საკითხები ისე უნდა დავაყენოთ, როგორც ჩვენს ინტერესებს სჭირდება. რუსეთს ბევრი ინტერესი აქვს ჩვენთან მიმართებაში ისევე, როგორც ამერიკას და ხშირ შემთხვევაში, მათი ინტერესები იკვეთება კიდევ. თანაც ახლა ერთმანეთთან საუბარი ორივეს სურს. საქართველოს შეუძლია, მათი დიალოგის პლაცდარში გახდეს და აქედან სარგებელი ჩვენც ვნახოთ. რა დასაძალია, რომ არსებობს ინტერესები სამხედრო, ენერგეტიკის, საზღვაო პორტების სფეროში. მთავრობა სწორედ ამ მიმართულებით უნდა მუშაობდეს. ჩვენ ამას სიამოვნებით გავაკეთებთ და ძალიან აქტიურად ვიმუშავებთ ევროპასა და ამერიკაში, რუსეთთან კი ჩვენი მთავარი მოთხოვნა სწორედ ტერიტორიების დაბრუნება იქნება. თუმცა ამის ნაცვლად, ამ თემებზე საუბრისას სრული ავადმყოფური ისტერიაა, ნაციონალური მოძრაობა კი ყველა კვლავ უაზრო კლიშეებს ანებებს. თანაც, არავითარ შემთხვევაში არ იფიქროთ, რომ ნაციონალურ მოძრაობას მხარს მოსახლეობის ერთი მესამედი უჭერს. ეს მითი და ტყუილია.

— ჯერ თქვენს პარტიაზე არსებული მითები დავასრულოთ — თქვენ ხართ არა „ოცნების“ ოპოზიცია, არამედ მათი პერსონალიზირებული ქმედება, ანუ სატელიტი, რომელიც რეალურ დაპირისპირებაში „ოცნებასთან“ არ შედის. სხვათა შორის, ხშირად ბურჯანაძესთან ერთადაც მოგიაზრებენ.

— ნამდვილად ვიცი, რომ ამასაც ნაცმოძრაობა ამბობს. რაც ყველაზე საინტერესოა, ამ აზრისადმი აგრესია სულაც არ მაქვს და გეტყვით რატომაც: როცა ხელისუფლებაში ნაციონალური იყვნენ, მაშინ ჩვენი მიზანი დამნაშავე რეჟიმის მართლ ჩამოგდება კი არაა, დასჯა და ციხეში ჩასმა იყო. დღეს სხვა ხელისუფლებაა, რომლის რეგებში, ბუნებრივია, ბევრი

მეგობარი გვყავს, რადგან ქუჩაში 9 წელი ვიდევით ერთად და ჩვენს შორის ადამიანური ურთიერთობები არსებობს. თან, დღემდე ისეთი დანაშაული არ ჩაუდენიათ, რომ მათ ციხეში ჩასმას ვითხოვდე. თუმცა ამ ხელისუფლებას უმწვავესად ვაკრიტიკებ.

— რა საკითხებში აკრიტიკებთ, ჩამომითვალეთ?

— ძალიან გაბრაზებული ვარ იმის გამო, რომ „ოცნება“ არ სჯის მიხეილ სააკაშვილს. მიმარჩია, რომ ამის გამო ხელისუფლება შესაცვლელი. მეორე, რის გამოც ვაკრიტიკებ, ისაა, რომ ისინი ძალიან ცუდად მუშაობენ დასავლეთში — სახელი საკუთარ თავსაც საშინლად გაუტყეხს და ქვეყანასაც. მესამე პრობლემა ისაა, რომ „ოცნება“ უზარალო ხელისუფლებაა და ხალხმა სოციალურ და ეკონომიკურ საკითხებში შევხვე ვერ იგრძნო. თუმცა ეს ის პუნქტებია, რომელთა გამოც მათ შეცვლას ვითხოვ და არა დაპატიმრებას. მათ ნაცვლად მე უნდა მოვიდე ხელისუფლებაში და ვაჩვენო, საქმე როგორ კეთდება. ოღონდ ეს არჩევნებით უნდა მოხდეს და ჩვენ ისევე მეგობრებად უნდა დავრჩეთ. ეს სულაც არ ნიშნავს, რომ მათი სატელიტები ვართ — ჩვენ მათ ფარულად კი არ ვეჭვებდებარებით, ღიად ვამბობ, რომ რაღაც საკითხებში ხელისუფლების მოკავშირეები ვართ, რაღაც საკითხებში კი მწვავედ ვუპირისპირდებით. სხვათა შორის, ჩვენსა და „ოცნებას“ შორის წინააღმდეგობის ახალი კერა სწორედ ამ ორი დღის წინ გაჩნდა — მიხეილ სააკაშვილს არ უკადრია ის, რაც „ოცნებამ“ იკადრა — ციხეებში „ობიექტივი“ გათიშა, არადა, ციხეებში ყველაზე პოპულარული იყო.

— ეს როდინდელი ამბავია ან რატომ გაითიშა?

— ახალ ამბავს გეუბნებით, ჩვენც ახლახან შევიტყვევეთ და სასწრაფოდ მოვითხოვთ, ეს პრობლემა გამოსწორდეს! ასეთ საკითხებში „ოცნების“ მოკავშირეები ვერ ვიქნებით. ასევე, „ოცნებას“ სასტიკად ვენიშნავდებოდით საყდრისის თემაზეც და ღიად ვამბობ, რომ, როცა ჩვენ მოვალთ ხელისუფლებაში, რამდენიმე კაცი დაისჯება და შეიძლება, ციხეშიც აღმოჩნდეს.

— ბურჯანაძის პარტიასთან რატომღა გაკავშირებენ ხშირად?

— ვფიქრობ, ამასაც ნაცმოძრაობა აკეთებს. ნაციონალურმა ბურჯანაძეს უკვე მიანებეს პრორუსული იარაღი, ამიტომ ახლა ცდილობენ, ჩვენ ბურჯანაძეს მიგვაბან. ეს მათი ერთ-ერთი სტილია.

— ამ პარტიას საკმარისი პრობლემა აქვს და რატომ გგონიათ, რომ სულ თქვენითაა დაკავებული?

— სულ ჩვენი დაკავებული იმიტომაცა, რომ დღეს, რეიტინგით, მეორე ძალა ვართ და ეს ყველა იცის.

— რომელ რეიტინგებზე მესაუბრებით?

— ეს ის კვლევებია, რომელსაც თავად „ოცნება“ და ნაცმოძრაობა ატარებენ და არ ახმაურებენ. ჩვენც ვატარებთ შიდაკვლევებს. ეს ყველაფერი ბრწყინვალედ იცის NDI-მ და IRI-მაც.

— მაგრამ რატომღაც, სულ რაღაც 4% მოგანიჭეს ბოლო კვლევაში. საინტერესოა, რას აპირებთ თქვენს მიერ დაინიშნულ მოძრაობაში ამ ორგანიზაციების წინააღმდეგ?

— ეს მოძრაობა სოციალური ქსელებიდან დაიწყო. უამრავმა ადამიანმა განაცხადა, რომ მსგავსი გამოკითხვებში მონაწილეობა არასდროს მიუღია. მერე შეიკრიბა ათასამდე მოხალისე და სურვილი გამოთქვეს, გადაამოწმონ, ვინ ენდობა მოსახლეობაში ამ ორგანიზაციებს და ვინ არა. ამ კამპანიას უშუალოდ ჩვენი პარტია არ ატარებს. უფრო მნიშვნელოვანია, მთლიანობაში, პროცესი დავინახოთ სწორად. არსებობს ნაცმოძრაობა, რომელსაც აქვს ფული და კავშირები საზღვარგარეთ და ორივეს ეფექტურად იყენებს. ვართ ჩვენ, გვაქვს კავშირები და პერიოდულად, ამ პარტიას წინააღმდეგობას ვუწვევთ, თუმცა ფული გვიჭირს და ცხადია, არის ხელისუფლება, რომელიც საერთოდ არაფერს აკეთებს. არადა, ამერიკაში პოლიტიკას არასამთავრობო ორგანიზაციები, ლობისტური კომპანიები და გავლენიანი პოლიტიკოსები ქმნიან, ისევე ამ ორთან მუშაობით. ეს სისტემა რომ მუშაობს, მე და სააკაშვილმა ვიცი. ჩვენც ასე ვიმუშავებთ სააკაშვილის წინააღმდეგ ბრუსელსა და ვაშინგტონში, მაგრამ ხელისუფლებას ვაფრთხილებდით, არ მოდუნებულიყო და ეს ბრძოლა ქვეყნის გარეთ გაეგრძელებინა. თუმცა ეს არ მოისურვეს და შედეგი სახეზეა. სააკაშვილმა ყველაფერი ერთბაშად ვერ ჩამოირეცხა, მაგრამ 2,5 წელიწადში, ნელ-ნელა, თავი გაითეთრა. ამ ლობისტებთან საქართველოდან სხვა არავინ თანამშრომლობდა. პირველი წელი წინააღმდეგობას ვუწვევდით, მერე ხელისუფლებას ვუთხარით, ამდენი ფული და საშუალება არ გვაქვს და ან, თქვენ მიხედეთ საქმეს-მეთქი, მაგრამ არც ეს გააკეთეს.

— ისე, სახსრები თქვენს პარტიას საიდან აქვს, მუდმივად უცხოეთში რომ დადის?

— ჩემი ძმა არც ისე უცნობი ბიზნესმენია. გარდა ამისა, 50 წელს გადავაბიჯე, მეც მაქვს დანაზოგი, რა გასაკვირია. ახლა კიდევ დაფინანსება შემოგვემატა. თუმცა ეს ყველაფერი, ერთად აღებული, საკმარისი, ცხადია, არ არის.

### პერსონალიზი

## თბილისის საერთაშორისო აეროპორტის რეაბილიტაციისთვის 30 მილიონი დოლარის ინვესტიცია ჩაიღება



„საქართველოს აეროპორტების გაერთიანებასა“ და შპს „ტავ-ურბან საქართველოს“ შორის 2005 წელს დადებული ხელშეკრულების განახლებულ ვარიანტს, ეკონომიკის სამინისტროს შპს „საქართველოს აეროპორტების გაერთიანების“ დირექტორმა, ქეთევან ალექსიძემ და „ტავ ჯორჯიას“ გენერალურმა მენეჯერმა მეთე ერკალიმ მოაწერეს ხელი. ხელმოწერის ცერემონიალს ვიცე-პრემიერი, ეკონომიკისა და მდგრადი განვითარების მინისტრი გიორგი კვირიკაშვილი და „ტავ ეარფორტს“ პოლდინგის“ პრეზიდენტი სანი შენერი დაესწრნენ.

2005 წლის ხელშეკრულების ახალი რედაქციით, შპს „ტავ-ურბან საქართველო“, თბილისის საერთაშორისო აეროპორტის ოპერირებას 2027 წლამდე განახორციელებს. გიორგი კვირიკაშვილის განცხადებით, 2 წლის განმავლობაში ბევრმა ადავალდა შეიძლება თითო-თითო დოლარით მგზავრზე განხორციელდეს ტარიფების ზრდა.

ხელშეკრულების ახალი ვერსიით მხარეები შეთანხმდნენ, რომ მოხდება თბილისის საერთაშორისო აეროპორტის არსებული ასაფრენი ზოლის და სამიმოსვლო ბილიკების სრული რეაბილიტაცია, რომელიც განხორციელდება 2014 წელს საპაერო ტრანსპორტის საერთაშორისო ასოციაცია IATA Consulting-ის მიერ მომზადებული დასკვნისა და რეკომენდაციების შესაბამისად. სარეაბილიტაციო სამუშაოები დაიწყება 2015 წლის 1 სექტემბრიდან და დასრულდება 2016 წლის ივნისის ბოლოს. თბილისის საერთაშორისო აეროპორტის განვითარების გეგმა ოთხეტაპიანია. მხარეები ასევე შეთანხმდნენ აეროპორტის ინფრასტრუქტურის მოვლა-პატრონობის კონკრეტულ ვადებზე, ქონების მართვის და უკან დაბრუნების კონკრეტულ გეგმა-გრაფიკზე. ასევე სრულად მოგვარდა და დარეგულირდა თბილისის საერთაშორისო აეროპორტის არსებული ტერმინალის და მინის საკითხები, რაც თავის მხრივ დადებითად აისახება სახელმწიფო ბიუჯეტზე.

„პირველი“



ენიშ კომანძია  
599-95-33-16

კვირის თემად კვლავ ექსნაციონალური კვარტეტი რჩება, რომელმაც ორდღიანი ტაიმაუტის შემდეგ, პირველი დამოუკიდებელი ნაბიჯი გადადგა და მოღვაწეობა უდიდესი შეცდომით გააგრძელა: ოთხმა გამოცდილმა პოლიტიკოსმა ერთი განცხადება გამოგვიგზავნა, ამის მერე მასმედია ემალება და მიგადაშიგ, საკუთარ იდეებს სოციალურ ქსელში გვიზიარებს. ეს საგანგებო განცხადებაც ზურაბ ჯაფარიძემ დაწერა, დანარჩენი სამი კაცი კი კვლავ ფარდის უკან დარჩა. თუმცა ამ რამდენიმე სტრიქონშიც იმაზე მეტი კითხვაა, ვიდრე პასუხი. ამიტომ მიუხედავად ერთკვირიანი აჟიოტაჟისა, ისევ გასარკვევია, რეალურად, რატომ დატოვა ოთხმა ლიდერმა დედაპარტია და როგორ გადანაწილდება პოლიტიკური სპექტრი წინასაარჩევნოდ.

„მქონდა კონსულტაცია პარტიის ერთ-ერთ ლიდერთან, რომელმაც ითხოვა, გარკვეული პერიოდი საერთოდ არ გამეხმარებინა განცხადებით. ჩვენ პირობა დავიცავით. ინფორმაციამ ჩვენგან დამოუკიდებლად გაჟონა... ვხედავთ რეალურ საფრთხეს, რომ მომავალ საპარლამენტო არჩევნებში უმრავლესობით მოვიდნენ ლიად ან ფაქტობრივად პრორუსული ძალები. ამ რეალობის შეცვლის შანსი მხოლოდ ნაციონალურ მოძრაობას ჰქონდა, რომელმაც გაუძლო წნეხს, გადარჩა და ბრძოლას აგრძელებს. თუმცა ეს არასაკმარისია მიზნის მისაღწევად. გამარჯვებისათვის საჭიროა პოლიტიკური მოძრაობის სრული განახლება და მეტი გახსნილობა. მარცხზე პასუხისმგებლობის აღება და პოლიტიკური მოძრაობის განახლება დამკვიდრებული პრაქტიკაა, რაც ენმ-მ ვერ შეძლო. ჩვენთვის არასდროს ყოფილა 2016 წლის არჩევნებში საპარლამენტო მანდატის მიღება მოტივაცია. მეტიც, ჩემთან ერთად, ენმ-დან ნამოსული არც ერთი კოლეგა არ აპირებს 2016 წლის არჩევნებში საპარლამენტო მანდატის მინდატის ბრძოლას, რადგან სჯერა, რომ საზოგადოება სიახლეს ითხოვს... ჩვენ არ გავდივართ ბრძოლის ველიდან. იგივე პოზიციებზე ვართ და იგივე მონაწილეობა გვყავს — ტყუილებით მოსული ოლიგარქი. თუმცა დღევანდელი რეალობა განსხვავებულია: 1,5 წელში საპარლამენტო არჩევნებია და სწორედ ამ მონაწილეობის დასამარცხებლად, საჭიროა პოლიტიკური სპექტრის ახლებურად განაწილება. ჩვენი მიზანია, შევქმნათ ახალი, ღია პოლიტიკური ცენტრი. 2016 წლის საპარლამენტო არჩევნებისთვის საზოგადოებას ეკონომიკური განვითარების ყველა კონკურენტზე თამამ, მაგრამ არაპოპულისტურ გეგმას შევთავაზებთ“, — დაწერა ნაციონალების ყოფილი გენდირექტორი, **ზურაბ ჯაფარიძე** და სავარაუდოდ, გოგა ხაჩიძე, გიორგი მელაძე და პავლე კუბლაშვილიც დაეთანხმნენ. განცხადებამ, რომელიც ურთიერთგამომრიცხავი პასაჟებიტა სახეს, ვითარება კიდევ უფრო აჭრა: ვინაა ის ერთი ლიდერი, ვისაც ოთხმა აჯანყებულმა გული გადაუშალა? როცა საუბარია პრორუსული ძალების მოსვლის საფრთხეზე ხელი-სუფლებამ და მასთან ბრძოლაზე, რატომ ფიქრობს ეს 4 კინკლა კაცი, რომ ამას ნაციონალების მსხვილ პარტიაზე უკეთესაა, ან ნაციონალურად დიდი და გავლენიანი ცენტრის შექმნას როგორ შეძლებს ამ 1,5 წელიწადში? როცა განახლებაზე საუბრობენ და ამბობენ, 2016 წლის არჩევნებისთვის ბრძოლას არ აპირებენ, რადგან ხალხს მათი დანახვა არ სურს, ჯერ ერთი, შეეძლოთ, მანდატები ახლავდნენ დაელოთ. თუმცა არათუ მანდატებს დებენ, უკვე წინასაარჩევნო პროგრამის პუნქტებს გვაყრიან სახეში და ეკონომიკური განვითარების ყველა კონკურენტზე თამამ გეგმას გვთავაზობენ. არადა, ეს ის ხალხია, წინა სტრიქონში 2016 წლის არჩევნებში არმონაწილეობას რომ იფიცებოდა. ალბათ, ექსნაციონალები მიხვდნენ, რომ ისედაც ბევრ კითხვას ამ განცხადებითაც მიუმატეს კითხვები და Facebook-სტატუსების გამოქვეყნება და პატარა-პატარა კომენტარების კეთება დაიწყეს. ჯერ **პავლე კუბლაშვილი** უპასუხა მთავარ ხმებს მისი გამოილიონების შესახებ — „ჩვენი გაერთიანების დარეგისტრირების შემდეგ, თითოეული შემოწირულობა გამჭვირვალე იქნება. სამშუხაროდ, არანაირი დაფინანსება არ გვაქვს, ამ ეტაპზე. თუმცა გარწმუნებთ, ამ გაერთიანებას ექნება ის დაფინანსება, რაც მნიშვნელოვანია პოლიტიკური მიზნების მისაღწევად“. მერე **გოგა ხაჩიძე** ამოიღდა ენა და გვითხრა: „დარწმუნებით ვამბობ, რომ ფრაქციის აუცილებლად შევქმნით. გვაქვს კონსულტაციები, ესაუბრობთ დეპუტატთა შესაბამის ჯგუფებთან, ცალკეულ დეპუტატთან“. ჰოდა, მისმა განცხადებამ მხოლოდ ერთი უფრაქციო დეპუტატი შეამფოთა, თან ყოფილი ალასანისპარტიელი და პავლე კუბლაშვილის მეგობარი გედი ფოფხაძე, ემანდ, ვინმემ ნაციონალებთან არ დამაკავშიროსო და „ოცნების“ ფრაქციაში შევარდა. ალასანის გუნდის დეპუტატმა ნინო გოგუაძემ კი მტკიცედ გამოიცილა, ამ ოთხეულის ადგილი ჩვენს პარტიაში არააო, სამაგიეროდ, არ უთქვამს, ფრაქციაში არ მივიღებთო. წინა დღეს კი ზურაბ აბაშიძემ ვერ მოზომა და არაპირდაპირ დადასტურა, რატომაც არ უნდა გავერთიანდეთ ერთ ფრაქციადაო. აი, პრემიერმა ირაკლი ღარიბაშვილმა კი მთავარი კონკურენტის სამ ნაწილად დაშლა ივარაუდა და კარგად თუ დავეუფიქრებთ, ამაში ახალი და საკამათო არაფერია: სააკაშვილის „ძველი გვარდია“, ბოკერის ფრთა, რომელსაც დიდი ხანია, გამოყოფას უწინასწარმეტყველებენ და უკვე გამოყოფილები. ესეც სამი განსტოება, რაც მითიური სულაც არ ყოფილა და ამაში ბოლო მოვლენებმაც დაგვარწმუნა. იმდენი ვერსია და ჭორ-მართალი აირია ერთმანეთში, მარტყენაზე აღარავინ საუბრობს და პოლიტიკურ კულუარებში სულ უფრო იძირება. ჩვენ 2 დღის განმავლობაში ვცდილობდით, ყველა ამ კითხვაზე პასუხის თავად ნაციონალებსა და ექსნაციონალებში მოძიებას. თუმცა ყველაზე კონკრეტული, რაც

# განხეთქილება ნაციონალურში



**ბიორბი ვაშაძისგან** გავიგეთ, ისაა, რომ იგი პარტიას არ ტოვებს: „პარტიას არ ვტოვებ, ეს ტყუილია. არ ვფიქრობ, რომ პრორუსულ ძალებთან საბრძოლველად ორი ცენტრის შექმნაა საჭირო. პარტიის დაშლასა და ვინმეს გამოკლებას ნამდვილად არ ველი. ნაციონალური მოძრაობა საკმაოდ დიდი ორგანიზაციაა და ვინმეს წასვლით ვერ დაიშლება. აქ არც ოთხი გამოცდილი ლიდერის წასვლაზეა საუბარი, პირდაპირ უნდა ვთქვათ, დანაკლისი აღმასრულებელი მდივანი ზურაბ ჯაფარიძე იყო. ის, რაც განცხადებაში თქვა, პრობლემებისგან გაქცევაა და არა პრობლემების მოგვარება. ვწუხვარ, რომ ეს გზა აირჩია. ყველაზე ნაკლებს მათი წასვლის ვერსიებზე ვფიქრობ. მე ის ცვლილებები მაინტერესებს, რაც ნაციონალურ მოძრაობაში დაინახა — განახლების პროცესი! ვწუხვარ, ამ ხალხის წასვლის გამო, თუმცა ჩვენი ძირითადი სამოქმედო გეგმა ამით არ შეცვლილა“. რატომ არ შეიძლება, ეს პოლიტიკურ ხლართებში გამობრძმედილი ნაციონალების თამამი იყოს — ვითომ, ორად გაყოფა, ხელისუფლების ყურადღების გადასატანად?! ალბათ, ამ კითხვას ვაშაძემ გულწრფელად უპასუხა: „საქართველოში პოლიტიკური თამაშები არ გამოიღოს, საბოლოოდ, ყველამ მინც ყველაფერი იცის. ეს რომ თამაში იყოს, მალე გაირკვევა, ვინ დგას მის უკან და ვინაა მწვრთნელი“. კიდევ უფრო გულწრფელი **პაპაი პოპოხიძე** იყო, რომელმაც არაპირდაპირ თქვა, სად გვაქვს ამის ჭკუაო, მაგრამ ოფიციალურ პასუხად ერთ-ერთი გავრცელებული ვერსია შემოგვთავაზა: „ამინც მგონია, ზურაბ ჯაფარიძე დაინახა, რომ არსებობს ამომრჩეველთა დიდი ნაწილი, რომელსაც ჯერ კიდევ არ აქვს განცხადებითი, ხმა ვის მისცეს და გაუჩნდა განცდა, რომ მას აქვს რესურსი, ამ ე.წ. შუაში მყოფი ამომრჩევლის ხმები მიიზიდოს. ჩემი აზრით, ეს მთლად სწორი გზა არაა — მესამე ცენტრს ყოფილი ნაციონალები ვერაფრით დააფუძნებენ. აი, მე სადაც უნდა წავიდე, მაინც ნაციონალ კაკო ბოზობიძე და ვერჩხი და ადამიანს თუ არ უნდა, ხმა ნაციონალის მისცეს, ის არ მისცეს ხმას პარტიას, სადაც კაკო ბოზობიძე იქნება. რა მნიშვნელობა აქვს, რა სახელს დავირქმევ? ნაციონალური მოძრაობა, პირველ რიგში, მიხილს სააკაშვილსა და იმ ადამიანებთან ასოცირდება, ვინც ამ პარტიის აქტიური სახეები არიან და რომელთა წასვლა მართლა შეიძლება რაღაცის ნიშნად მიჩნეოს ადამიანმა. მიუხედავად იმისა, რომ ამ ოთხიდან თითოეულზე ძალიან მწყდება გული, მათი წასვლა რა კეთილი სურვილებითაც უნდა იყოს წაკარნახევი, პოლიტიკური შეცდომაა. 1 კვირის წინ რომ ეთქვათ, ჯაფარიძე დატოვებს პარტიასო, არ დავიჯერებდი, ამიტომ ხვალ რა იქნება, კაცმა არ იცის. რეალურად, დღეს პოლიტიკურ რადარზე ორი ძალაა — ხელისუფლება და ნაციონალური მოძრაობა. მეეჭვება, სხვა რომელიმე ძალამ სერიოზული ცვლილებების შეტანა შეძლოს დღეს არსებულ ვითარებაში“. ისე, სასურველი იქნებოდა, რიგით მერე პარტიასა და ყველაზე დიდ ოპოზიციურ ძალას, როგორც თავად აქვთ პრეტენზია, ასეთი

პოლიტიკური თამაშების გათვლის ჭკუა ჰყოფნოდა. თუმცა რაკი ამბობენ, ამდენი არ შეგვიძლიაო, ე.ი. ასეცაა. სამაგიეროდ, არავინ საუბრობს ყველაზე ელემენტარულ და ლოგიკურ ვერსიაზე და სამ ფაქტორზე, რომელსაც, ჯერჯერობით, ქართული პოლიტიკა გვერდს ვერ აუვლის — სააკაშვილი, ივანიშვილი და დასავლეთი. პირველი ვარიანტი ისაა, რომ გუნდის შიგნით განხეთქილებაა, რასაც თითოეული დაბნეული ლიდერის განცხადება ამტკიცებს: უბრალოდ, პარტიაში ვერ დალაგდნენ, ფუნქციები ვერ გადაინაწილეს და ვერ შეთანხმდნენ მთავარზე — უნდა დარჩეს თუ არა მიხილ სააკაშვილი კვლავინდებურად ნაციონალების ყორადა. რა თქმა უნდა, უნდა დარჩეს, რადგან მას დღესაც იმაზე მეტი რესურსი აქვს, ვიდრე, მაგალითად, ოთხივე ყოფილ ნაციონალს ერთად — ასე პარტიაში დარჩენილი ყველაზე დიდი ნაწილი ფიქრობს. თეორიულად, ალბათ არსებობს პოლიტიკური ნიშა ისეთი ძალისთვის, რომელსაც პროდასავლური ღირებულებები აქვს, მაგრამ ეს ბრძოლა ისე მოიგო, ნაციონალების მხოლოდ მიღწევებთან ასოცირდებოდა და არა „ცხრან-ლიან სისხლიან რეჟიმთან“, ფაქტობრივად, შეუძლებელია ისევე, როგორც შეუძლებელია, პარტიის სრულად დისტანცირება სააკაშვილისგან. **მეორე ვარიანტი მიხედვით, გადამწყვეტი ბიძინა ივანიშვილის ფაქტორია:** თუ იმ ხმების ნახევარი მაინცაა მართალი, რაც ივანიშვილზე ვრცელდება, რა გამოდის — მერაბიშვილი ციხიდან გააქტიურდა, ვაჟა ლილუაშვილის მეშვეობით 4 კაცი გამოაკლო ნაციონალს, დაეხმარა კიევში „ივერიასთან“ საიდუმლოდ შეხვედრამი. მერე ლატივიამ ჯოზეფ ქეის გაახსენებინა ანგარიში, სადაც ივანიშვილის მთავრობას მილიონები ჩააირიცხვინა, ყველაფერი კი პრემიერის ცოლისძმის, დეპუტატ ლექსო თამაზაშვილის თანდასწრებით დაიგეგმა. ჰოდა, ამ გრანდიოზული გეგმით, ბიძინა ივანიშვილი სააკაშვილზე დიდი „მედასავლეთე“ გამოდის, რომელმაც ნაციონალები, ფაქტობრივად, დაშალა, მათი შედარებით „გაუსვრელი“ ორი ნაწილი „ივერიისა“ და ოთხეული სახით შეაერთა, დააფინანსა და ახალ დასავლურ ცენტრს აქმენივებს. **მესამე ვარიანტი კი ის ცნობილი თეორიაა, რომელსაც ხშირად, რუსეთზე ვისმენთ, ოლონდ, დასავლეთის მონაწილეობით:** ფსონმა, რომელიც ნაციონალებზე იყო დადებული, არ გაამართლა. ნაციონალებს მხარდაჭერა აღარ აქვთ, საკუთარი თავის რეაბილიტაცია ვერც უკრაინაში მოახერხეს, ქვეყანაში პრორუსული, ევრაზიული კავშირისადმი კეთილდღეობითი სემინარი გასამაგდა და ამის შეჩერებაა აუცილებელი. ეს ახალი ცენტრით იქნება შესაძლებელი, ხოლო იმ დიდერებსა და პარტიებს, მაგალითად, ედუ-ს, ახლებს, პაატა დავითაიას, ზურაბ ხარატიშვილს და სხვებს, ვისაც აქამდე ნაციონალური „ის ცხრა წელი“ აფერხებდა, ახლა სათქმელი მიეცემათ, გამოყოფილი კვარტეტი ხომ საკუთარ გუნდს გაემიჯნა, ამიტომ მათთან ვითანამშრომლებთო.

## პერსონაჟი



### შსს უზო-უკვლოდ დაკარგულ პიროვნებას ეძებს

მიმდინარეობს გარესათვალთვალო კამერებიდან ვიდეომასალის ამოღება და გამოფერა. თამაზ გუდაძის აღწერილობა: 175 სმ სიმაღლის, სუსტი აღნაგობის, მოკლე შეჭრილი თმით. ტანით ეცვა: ცისფერი „კაპიშინიანი“ ქურთუკი, შავი შარვალი და ლურჯი ფერის სპორტული ფეხსაცმელი. თუ ვინმეს გაგაჩნიათ ინფორმაცია დაკარგული თამაზ გუდაძის შესახებ, დაგვიკავშირდით ნომრებზე: 577-53-94-60; 032 241-31-32; 593-244-243.

შინაგან საქმეთა სამინისტრო ეძებს უზო-უკვლოდ დაკარგულ, 1971 წელს დაბადებულ, თბილისში, დიდი დილის მე-3 მ/რ-ში, მე-15 კორპუსის N142 ბინაში მცხოვრებ თამაზ გუდაძეს. იგი 2015 წლის 4 მაისს სახლიდან გავიდა და შინ აღარ დაბრუნებულა. შინაგან საქმეთა სამინისტრომ შეტყობინების მიღებისთანავე დაიწყო უზო-უკვლოდ დაკარგული პირის სამძებრო-საძიებო ღონისძიებები. სამართალდამცველები 24-საათიან რეჟიმში ახორციელებენ თამაზ გუდაძის სამძებრო მოქმედებებს. საპატრულო პოლიციის დეპარტამენტის ყველა თანამშრომელს, როგორც ეკიპაჟების, ასევე მეტროპოლიტენის პატრულის თანამშრომლებს, ყოველდღიურად მიეწოდება ინფორმაცია დაკარგული პირის შესახებ. აღნიშნულთან დაკავშირებით, მთელი საქართველოს მასშტაბით, ინფორმირებულია კრიმინალური პოლიციის ყველა დანაყოფი. ყოველდღიურად მონაწილეობს როგორც სასწრაფო სამედიცინო დახმარების, ასევე საგანგებო სიტუაციების მართვის სააგენტოში შესული შეტყობინებები. სამართალდამცველების მიერ მიმდინარეობს გარესათვალთვალო კამერებიდან ვიდეომასალის ამოღება და გამოფერა. თამაზ გუდაძის აღწერილობა: 175 სმ სიმაღლის, სუსტი აღნაგობის, მოკლე შეჭრილი თმით. ტანით ეცვა: ცისფერი „კაპიშინიანი“ ქურთუკი, შავი შარვალი და ლურჯი ფერის სპორტული ფეხსაცმელი. თუ ვინმეს გაგაჩნიათ ინფორმაცია დაკარგული თამაზ გუდაძის შესახებ, დაგვიკავშირდით ნომრებზე: 577-53-94-60; 032 241-31-32; 593-244-243.

„ვერსიანიუსი“



რამდენიმე თვის წინ, ტელევიზიით სიუჟეტი გავიდა, სადაც „კანონიერი ქურდების“ საფლავები აჩვენეს. კრიმინალური სამყაროს მამების საბოლოო სამყოფელი სხეებისგან ამჟამად გამორჩეულია და იგრძნობა, რომ იქ „ვილაჯ“ არ მარხია. ამის მიუხედავად, არცთუ იშვიათად, ქურდების საფლავებიც გაუძარცვავთ — ამოუთხრიათ და მათთვის ჩაყოლებული ძვირფასეულობა ხელს გაუყოლებიათ. ეს ქურდებისა და მთლიანად კრიმინალური სამყაროსთვის დიდი შეურაცხყოფაა — საფლავების მძარცველებს, როგორც წესი, მთელი კრიმინალური სამყარო ეძებს, თუმცა იშვიათად პოულობს...

აღმოსავლეთ საქართველოში მიშა მ. გამორჩეული „ქურდი“ იყო. როგორც წესი, ქურდულ ქალაქებად ქუთაისი, ხონი, სამტრედი, ზუგდიდი... ითვლებოდა, მაგრამ მიშამ კრიმინალური „განათლება“ რუსეთში მიიღო და „ქურდადაც“ იქ „აკურთხეს“. მიშას მამა და დედა, ბატონი მამუკა და ქალბატონი მარინა ისევ საქართველოში ცხოვრობდნენ. მამუკა რიგითი მუშა იყო, მარინა პედაგოგი, თუმცა გრძობდნენ, რომ მას შემდეგ, რაც მათი ვაჟი ქურდი გახდა, ყველა სხვანაირად, პატივისცემით უყვრობოდა. გაგანია კომუნისტური ქურდებს სხვანაირად აფასებდნენ, თუმცა...

მიშა საქართველოში ზაფხულში ჩამოსვენებს. მის გასვენებას ქურდული ელიტა დაესწრო, პატივითაც დაიკრძალა ახალგაზრდა კაცი, მაგრამ რად გინდა, მეორე დღეს საფლავი ამოთხრილი დახვდათ. ქურდებმა გაძარცვული მიცვალებული შეამონეს და დაასვენეს — ნაღებულია ნაგანი და ნამალი, რომელიც ქურდს მეგობრებმა ჩააყოფესო. მამუკას არაფერი უთქვამს, მეორე დღეს მეორედ მიაბარა შვილი მიშას და ეს ამბავი თითქოს დაივიწყა, მაგრამ...

წლები გავიდა, საბჭოთა კავშირი დაინგრა, საქართველოში ყველაფერი ჭირდა და ვისაც რამე ჰქონდა, მშრალ ხიდზე მიაბრუნებდა. ქალბატონმა მარინამ ქორწინების ბეჭედი მოიხსნა, ჯერ მეზობლებში გაიკითხა, მაგრამ შესაბამისი თანხა არავის ჰქონდა და ისიც თბილისის გზას დაადგა. მშრალ ხიდზე მივიდა, ბეჭედი ხან ერთ ვაჭარს შეაძლია, ხან მეორეს. ბოლოს უთხრეს, ოქროებით იოსკა ვაჭრობს, იქ მიიღო. მარინაც მივიდა, იოსკას ბეჭედი გაუშინა, დახლზე გამოფენილ ოქროს დახედა და... გონება დაკარგა. როცა უკეთ გახდა, უკვე საავადმყოფოში იყო. ბეჭედი თითზე ეკეთა. ცუდად გახდომის მიზეზი ჰკითხეს, მაგრამ არაფერი თქვა, სახლში წავალ, ჩაილაპარაკა და შინ დაბრუნდა. მეორე დღეს თბილისისკენ გეზი უკვე მამუკამ აიღო, ისიც იოსკასთან მივიდა, დახლი დაათვალიერა... ცოტა ხანში, გარდაცვლილი ქურდის მამა ლოტკინის აღმართზე ხვდებით დადიოდა.

„ვახო, ქურდი კაცი ხარ, ჩემი შვილი შენი ძმაცაა იყო, ისიც ქურდად მოკვდა და უნდა დამეხმარო. ხომ სულ ერთად იყავით, ხომ სულ ერთად დადიოდით და გემხსოვრება, მიშას

# დაღის წერილს „შენიკული“ ქურდი

## როგორ აღმოაჩინა ავტორიტეტმა მშობლების ნახუქარ მედიონში წერილი და რაწომ გაიკეთა „წამდის“ დიდი ღობა



მედალიონი. მე და ჩემმა დედაკაცმა მთელი საგვარეულო ოქრო გადავადნეთ, სამი რუსული ასო „მ“ ჩამოვასხმევინეთ, უკან ოქროს ფირფიტა მივაკარით და მიშას ვაჩუქეთ. სამი „მ“ მამუკას, მარინას და მიშას ნიშნავდა. სულ თან ჰქონდა, არ იხსნიდა და საფლავშიც ჩავაყოფეთ. ჰოდა, ახლა ეგ მედალიონი ვილაც იოსკას უდევს მშრალ ხიდზე ბირჟაზე და ყიდის. ჩემმა დედაკაცმა ნახა გუშინ და გული წაუვიდა. დღეს მე ვნახე და პირდაპირ ვამბობ, რომ ის არის, ის. მე მედალიონი არ მინდა, თავში ქვა უხლიათ, ის მაინტერესებს, შვილის საფლავი ვინ გამოთხარა“, — მამუკა ჩუმად და მტკიცედ ლაპარაკობდა.

ვახო ჩუმად უსმენდა, მერე წამოდგა, წამოყვებოდა უთხრა და მშრალ ხიდზე წავიდა. იოსკამ კანონიერი ქურდი მამინევი იცნო, ეგონა, ახალი საქონელი მომიტანაო და გაუღიმა, მაგრამ ვახომ მედალიონს დაადო ხელი და სუსხიანი ხმით ჰკითხა: „ეს საიდან გაქვს?!“

„რა ვიცი, ვახოჯან, ვილაც არიფმა მომიყიდა იაფად, მე ცოტა დაეუმბუტე და ვყიდი, თუ მოგონს, თავის ფასში მოგცემ“, — გაუღიმა იოსკამ.

„კიდევ ერთხელ გკითხავ და მერე გავბრაზდები: „ვინ მოგიტანა გასაყიდად ეს მედალიონი?!“ — ხმას აუწია ვახომ.

„რუსთაველმა „კაი ბიჭებმა“, ვახოჯან. რად გინდა გაბრაზება, კი იცი შენ, ვინც მომიტანა, რუსთაველიდან ვის დააქვს ეგეთი ნივთები“, — უცებ მოტყდა იოსკა.

„გაყიდვა არ გაბედო, გქონდეს ჯერ, დანარჩენზე მერე ვილაპარაკებ“, — უთხრა ვახომ და მანქანით რუსთაველის გზას დაადგა.

რუსთაველმა ქურდებმა ლოტკინელი „ბრატი“ პატივით მიიღეს, რესტორანში წაყვანა დაუპირეს, მაგრამ ვახომ საქმის ვითარება აუხსნა და ქურდებმაც მაშინვე ოქროს ჩამბარებელი ბიჭები დაიბარეს.

„ყომარში დიდი ფული მოვიგეთ, ჩვენი უზნელი ბიჭია, იმას ვეცომა და ფულის მაგივრად ეს მედალიონი მოგიტანა“, — ბიჭებმა მაშინვე თქვეს, საიდან ჰქონდათ მედალიონი.

„მაგის მამა ძველი ნაძალარია, ხო?!“ — იკითხა რუსთაველმა ქურდმა და როცა თავი დაუქნიეს, ძველი „ნაძალარი“ სოსო ქურდებთან კინისკერით მიათრიეს.

„სოსო, ტყუილი არ გამოვა იცოდე. შენმა ბიჭმა სახლიდან ოქროს მედალიონი გამოიტანა. გეცოდინება, რომელიც და შენ ის უნდა გაიხსენო, სად, როგორ იშოვე“, — უთხრეს სოსოს.

„ადრე, როცა მილიციამ ვმუშაობდი, სპეცოპერაციაზე წავიდით. ყაჩაღური ბანდა დავიჭირეთ და აყვანის დროს ერთ-ერთს მოძვრა ეს მედალიონი. ჯიბეში ჩუმად ჩავიდე, არც იმას მოუკითხავს და არც მე მითქვამს რამე. იმას ვაჭა ერქვა, კი იცი თქვენ, ყაჩაღია, ნარკომანი. პრინციპში, რაღა არის, ერთი წლის წინ მოკლეს რუსეთში და ახლა რუსთაველის სასაფლაოზე მარხია“, — სოსომ მაშინვე გაიხსენა მედალიონის ამბავი.

„ის გაიხსენა, როდის იყო ეგ ამბავი და ვაჭასთან ერთად კიდევ ვინ დაიჭირეთ? ოღონდ ცოცხლები გაიხსენე“, — უთხრეს ქურდებმა.

„ზუსტად წელი არ მახსოვს, მაგრამ აი, მიშა რომ იყო ქურდი, ის რომ მოკვდა, მალევე მოხდა ეგეც. ვაჭასთან ერთად ჯაბა და თემური იყვნენ. თემური მკვდარია, ჯაბა ცოცხალი“, — სოსოს ყველა დეტალი ახსოვდა.

ქურდებმა ახლა ჯაბას მიყვანა ბრძანეს და ისიც კოჭლობით და წვალებით მივიდა.

„თქვენ რომ არ დაგებარებინეთ, არ მოვიდოდი, ფეხი მიღებე, განგრენა მაქვს“, — თავისი ვიზიტი დაამადა ჯაბამ.

„ჯაბა, ვაჭა შენი „პადდელნიკი“ იყო. უნდა გაიხსენო, ოქროს მედალიონი საიდან ჰქონდა, თორემ განგრენა კი არა, ჩვენ მოგკლავთ“, — ქურდები ამკარად არ ხუმრობდნენ.

„არ ვიცი. ღმერთს გეფიცებ, არ ვიცი. ეჭვი მაქვს, ჩვენს გარეშე, ჩემი და ცხოვრებული თემურას გარეშე გაარტყა რაღაც, რადგან ერთ დღეს მოვიდა, მაგიდაზე წამალი დაყარა, იგულავეთო და ეს მედალიონიც მაშინ გამოჩნდა. მეტი მართლა არაფერი ვიცი“, — სხაპასუხობდა უპასუხა ჯაბამ.

კარგა ხანს აწვალეს ჯაბა, კარგა ხანს უმტკიცეს, ფეხს ახლავდნენ მოგაჭრით, მაგრამ მან მეტი ვერაფერი გაიხსენა. ვახომ ქურდებს მადლობა მადლობა, მამუკა მანქანაში ჩაისხვა და თბილისში დაბრუნდა. მშრალ ხიდზე იოსკას მედალიონი გამოართვა, გავსწორდებითო, უთხრა და მამუკას დაუბრუნა.

ერთი თვის შემდეგ მამუკა ისევ ვახოსთან მივიდა ლოტკინზე, მედალიონი წინ დაუდო და უთხრა: „შემშლია ვახოჯან, ეს ის მედალიონი არ არის. არადა, ზუსტად ასეთი დავამზადეთ და ვის მოუვიდა ნეტავ თავში აზრად, ანალოგიური გაეკეთებინა?!“

„და რა იცი, რომ ის არ არის?!“ — ჰკითხა ვახომ, რომელსაც სხვათა შორის სტუმრად ის ორი რუსთაველი ქურდი ჰყავდა.

„როცა გავაკეთეთ, უკან, ფირფიტაში, ჩემმა ცოლმა ფსალმუნი ჩაადებინა და კიდევ თავისი ხელით დანერილი წერილი, სადაც დანერა, როგორ წვლებით გავზარდეთ მიშა, როგორ თამამობდა ბავშვობაში, ყველაფერი რა, ჩვენი ოჯახის ისტორია. ღმერთს უყვებოდა, ავედრებდა შვილი დაიფარეო. მედალიონი რომ მივიტანე, მთელი დღეები ხელში ატრიალებდა, ბოლოს თქვა, რაღაც სხვანაირაო და ფირფიტა გამაჭრევინა. არაფერი არ დევს შიგნით, ცარიელია ვახო და ცოდვას ვერ დავიდებ, დაუბრუნე იმ იოსკას, ალალი იყოს“, — თქვა მამუკამ და ოთახიდან გასვლა დააპირა, მაგრამ ვახომ გააჩერა, ჯიბიდან რამდენიმე ასდოლარიანი ამოიღო, მამუკას ჯიბეში ჩაუკუჭა და მიშას შესანდობარი დალიე ჩვენს სახელზეო, უთხრა. როცა მამუკა წავიდა, ვახომ ხელში აიღო მედალიონი, ატრიალა, მერე მაგიდაზე დაადგო და თქვა: „არადა, მიშასია!“

„რაა?!“ — დაიბნენ ქურდები.

„ჰო, მიშასია, ზუსტად ვიცი“, — ისევ ჩუმად თქვა ვახომ.

„და რატომ არ მიეცი? და ის რაღაც წერილი არ არისო?!“ — ქურდების დაბნეულობას საზღვარი არ ჰქონდა.

„მიშას სულ ეკეთა ეს მედალიონი, სულ ხელში ატრიალებდა. ბოლოს თქვა, ამ ფირფიტის შიგნით სიცარიელეა და მგონი, კოკაინის შესანახად გამოდგება, თუ გავხვრეტო. მერე ოქრომჭედელთან წაიღო, გაახვრეტინა და ის ფურცლები იშოვა. ამოიღო, სახლში მოიტანა, წაიკითხა და... მაგრამ ინერვიულა, სწორედ იმ დღეს გაიკეთა ნამდის დიდი დოზა და იმ დღეს გაიპარა კაიფში. მედალიონი ოქრომჭედელს მე მივუტანე მერე, ორი დღე გვექონდა, სანამ ვამოვასვენებდით, ახალი ფირფიტა გავაკეთებინე უკან, წერილების გარეშე და ისე ჩამოვასვენეთ საქართველოში. რა მეთქვა მამუკასთვის, დედის წერილს გადაჰყვა შენი შვილი მეთქი?!“ — თავი ჩაღვინა ვახომ.

\*\*\*

ეს ისტორია პატრიარქი №0578-ს ზონაზე ვახოს შვილმა უამბო, რომელიც სასჯელს ქურდობისთვის იხდიდა.

### პერსიანიუსი

#### შსს-მ უკანონოდ მოჭრილი ხე-ტყეა ამოიღო და უკანონო სახერხი საამქროები დალუქა



შსს-ს სამცხე-ჯავახეთის სამხარეო მთავარი სამმართველოს ადიგენის, ახალციხის და ბორჯომის რაიონული სამმართველოების თანამშრომლებმა, ოპერატიული ინფორმაციის საფუძველზე ერთობლივად ჩატარებული საგამოძიებო ღონისძიებების შედეგად, 1976 წელს დაბადებული მალხაზ ხ. სახელმწიფო ტყის ფონდის მიჩენილი უბნის არამიზნობრივი გამოყენების, ხე-ტყის ტრანსპორტირების მოთხოვნათა დარღვევის და ნორმატიული აქტით დადგენილი, ხე-ტყის პირველადი გადამამუშავებელი ობიექტის ტექნიკური რეგლამენტის მოთხოვნების დარღვევის ფაქტებზე, 1967 წელს დაბადებული რამაზ გ, 1961 წელს დაბადებული

დავით გ, 1977 წელს დაბადებული ალექსანდრე გ, 1981 წელს დაბადებული ვასილ ბ, 1984 წელს დაბადებული გიორგი ბ. და 1990 წელს დაბადებული თეიმურაზ დ. საქართველოს კანონმდებლობით დადგენილ მოთხოვნათა დარღვევით ტყითსარგებლობის ფაქტზე, ხოლო 1984 წელს დაბადებული ალექსი თ. და 1966 წელს დაბადებული დავით ც. ხე-ბუჩქნარის უკანონოდ გაჩეხვის ფაქტზე ამილეს.


სამართალდამცველებმა ადიგენის რაიონის სოფელ მლაშესა და ბორჯომის რაიონის სოფელ ტაძრისში უკანონოდ მოჭრილი, სარეალიზაციოდ გამზადებული, წინვოვანი ჯიშის, 21 ცალი, 3 მეტრის სიგრძის სამასალე მერქანი ამოიღეს. ბორჯომის რაიონის დაბა ბაკურიანში — თეიმურაზ დ-ს მართვის ქვეშ მყოფი სატვირთო ავტომანქანიდან ამოღებულია უკანონოდ მოჭრილი, წინვოვანი ჯიშის 5 კუბ.მეტრი სამასალე მერქანი. სამართალდამცველებმა ბორჯომის რაიონის სოფელ პატარა მიტარბში უკანონოდ მოპოვებული, წინვოვანი ჯიშის, 4 მეტრი სიგრძის 8 მორი, ბორჯომის რაიონის სოფელ ჭობისხევში — ასევე უკანონოდ მოპოვებული, ნაძვისა და ფიჭვის, 5 მეტრი სიგრძის 145 ცალი დახეხილი ფიცარი და დასახეურხად გამზადებული 5 მეტრის სიგრძის 10 მორი, ხოლო ახალციხის რაიონის სოფელ ტატანისის მიმდებარე ტერიტორიიდან — უკანონოდ მოჭრილი, სარეალიზაციოდ გამზადებული, 35 ცალი ნაძვისა და ფიჭვის ჯიშის სამასალე მერქანი ამოიღეს და უკანონო სახერხი საამქროები დალუქეს.

გამოძიება სახელმწიფო ტყის ფონდის მიჩენილი უბნის არამიზნობრივი გამოყენების, ხე-ტყის ტრანსპორტირების მოთხოვნათა დარღვევის და ნორმატიული აქტით დადგენილი, ხე-ტყის პირველადი გადამამუშავებელი ობიექტის ტექნიკური რეგლამენტის მოთხოვნების დარღვევის და ხე-ბუჩქნარის უკანონოდ გაჩეხვის ფაქტებზე მიმდინარეობს (საქართველოს ადმინისტრაციულ სამართალდარღვევათა კოდექსის 66-ე პრიმა, 128-ე პრიმა მუხლის მე-3 ნაწილის, 128-ე პრიმა მუხლის მე-4 ნაწილით და საქართველოს სსკ-ს 303-ე მუხლის 1-ლი ნაწილით).

„ვერსიანიუსი“

#### შსს-მ სუსხლსასროლი იარაღი და საბრძოლო მასალა ამოიღო

შინაგან საქმეთა სამინისტროს იმერეთის, რაჭა-ლეჩხუმისა და ქვემო სვანეთის სამხარეო მთავარი სამმართველოსა და ბაღდათის რაიონული სამმართველოს თანამშრომლებმა, ჩატარებული საგამოძიებო ღონისძიებების შედეგად, 1973 წელს დაბადებული გალაქტიონ ს. ცეცხლსასროლი იარაღის და საბრძოლო მასალის უკანონო შექმნა-შენახვის ბრალდებით დააკავეს. სამართალდამცველებმა ბაღდათის რაიონის სოფელ ვარციხეში, ბრალდებულის საცხოვრებელი სახლის ჩხრეკისას, „მაკაროვის“ სისტემის პისტოლეტი, გასაშლელკონდახიანი „ა-კა-74“-ის მოდელის ავტომატური ცეცხლსასროლი იარაღი, 1 მჭიდი და 90 საბრძოლო ვაზნა ამოიღეს. დაკავებული აღიარებს ჩადენილ დანაშაულს.



გამოძიება ცეცხლსასროლი იარაღის და საბრძოლო მასალის უკანონო შექმნა-შენახვის ფაქტზე მიმდინარეობს (საქართველოს სსკ-ს 236-ე მუხლის 1-ლი ნაწილით).

„ვერსიანიუსი“





# „მიზან დაქიდული ბაღები“ ნაღბურღება!

თამარ ლომსაძე  
599-20-94-01

ავლაბრის მეტროს თავზე ვერტიკალური ბაღის მოწყობა იმთავითვე აზრთა სხვადასხვაობის მიზეზი გახდა. ერთნი ამბობდნენ, საჭიროა ქალაქის ინფრასტრუქტურისთვის, მეორენი კი, ქვეყანაში არსებულ სოციალურ ფონზე, ზედმეტ ფუფუნებად მიიჩნევდნენ, თუმცა ერთზე ყველა თანხმდებოდა — „დაქიდული ბაღი“ ულამაზესი იყო და ქალაქის ერთ-ერთ ღირსშესანიშნაობადაც მალევე იქცა.

მას შემდეგ მრავალმა წყალმა ჩაიარა, მაგრამ, როგორც ჩანს, ვერტიკალური ბაღის გვერდისავლით, რადგან შეუიარაღებელი თვალთვალს ჩანს, რომ ამ „ღირსშესანიშნაობას“ მოვლა-პატრონობა აკლია და ჯვალის ნაჭერი, რაზეც მცენარეებია დამაგრებული, ფაქტობრივად, განადგურებულია.

ხელისუფლების ოპონენტები ყველაფერში მერიას ადანაშაულებენ და აპელირებენ, რომ მსგავსი პრობლემები ძველი მმართველობისას არასოდეს შექმნილა, მერიის გამწვანების სამსახურში კი აცხადებენ, რომ „ვერტიკალური ბაღი“ კი არ ხმება, უბრალოდ რეაბილიტაციას საჭიროებს.

„ბაღი ნამდვილად არ ხმება, წელს ძალიან ბევრი მცენარე დაირგა და სიმართლე გითხრათ, არ ვიცი, საიდან ჩნდება მსგავსი ინფორმაციები“, — აღნიშნავს „ვერსიასთან“ გამწვანების სამსახურის ერთ-ერთი განყოფილების უფროსი ნიკა ბურდული, თუმცა დასძენს, რომ რეალურად პრობლემა უფრო ღრმაა და ბაღი სრულ რეაბილიტაციას საჭიროებს.

მართლაც საინტერესოა, რატომ გახდა საჭირო რამდენიმე წელში „მწვანე შედეგად“ აღიარებული ბაღის სრული რეაბილიტაცია, მით უმეტეს, იმ ფონზე, რომ თავის დროზე, პატრიკ ბლანცა და იდეის ავტორებიც ირწმუნებოდნენ, მისი შენახვა განსაკუთრებულ ხარჯებთან არ იქნებოდა დაკავშირებული, მოსაველედაც მარტივი იქნებოდა, ხოლო გამუდმებული და სწორი მოვლის შემთხვევაში, არანაირი პრობლემები არ შეიქმნებოდა. „ამ ბაღის შენახვა ძვირი ნამდვილად არ ჯდება, უბრალოდ პრობლემა ისაა, რომ თავიდანაა გასაკეთებელი ნაჭერი და სარწყავი სისტემაც მოსანერგებელია, რისი თანხაც წელს ბიუჯეტში არ გვედო. გასაკვირი არაა, რეაბილიტაციას რომ საჭიროებს, რადგან ბაღი 4-5 წლის წინ გაკეთდა, ჯვალის ნაჭერი, რომელზეც მცენარეებია დამაგრებული, დაძველდა, ვეღარ იწარჩუნებს მინას, მცენარეებს... რადგან რეაბილიტაციის თანხა ბიუჯეტით არ ყოფილა გათვალისწინებული, მოვლაშორეთ გამხმარი მცენარეები და ახლები დაერგეთ“, — ამბობს ნიკა ბურდული, რომელსაც კითხვას „ვერტიკალური ბაღის“ სრული რეაბილიტაცია, ერთგვაროვანი პასუხი არ აქვს: „არქიტექტორია საჭირო, რომელიც დათვლის ხარჯს იმიტომ, რომ საქმე მხოლოდ მცენარეებთან არ გვაქვს, მოსანერგებელია სარწყავი სისტემა და რკინის კონსტრუქციებიც, რასაც სპეციალისტის შეფასება სჭირდება. შემდეგი წლისთვის აუცილებლად გავითვალისწინებთ ხარჯს — ძალიან ლამაზია და ცოლოა.“

კიდევ ერთხელ ვაცხადებ — ჩემი თვლით ვნახე, როგორ ირგებოდა ახალი მცენარეები, სარწყავი სისტემის რეაბილიტაციაა საჭირო, მაგრამ ეს არ ნიშნავს რომ მცენარეები ხმება.“

არსებულ პრობლემას უფრო სერიოზულად უყურებს საკრებულოს დეპუტატი ნაციონალებიდან ირაკლი ნადირაძე ყველაფერში თბილისის მერიას ადანაშაულებს: „ეს იყო უნიკალური მწვანე სტენდი, გაკეთდა თბილისისთვის და შესაბამისად, მის მოვლა-შენახვაზე პასუხისმგებელი იყო კომპანია, რომელსაც ვვალდებოდა რაიონის გამწვანებაზე ზრუნვა... საჭირო იყო ხშირი მორწყვა და სასუქის მიწოდება, თუმცა მათ, როგორც ჩანს, ისევე, როგორც დანარჩენ შემთხვევებში, დაავინყდათ მორწყვა და სტენდმა დაიწყო ჭკნობა.“

როგორც ჩანს, არსებულ ვითარებაში ყველას თავისი სიმართლე აქვს და არაა გამორიცხული ასეც ყოფილიყო, თუმცა ისიც ფაქტია, წლების მერე არც ის ყვესილები და ბალახი იქნება ახალდარგულივით... მაგრამ აქ უფრო საინტერესო ისაა, რატომ გახდა მთლიანად გამოსაცვლელი სარწყავი სისტემა, თავიდანვე ხომ არ დაუშვეს რაიმე ხარვეზი და ნახევარფაბრიკატი ვერტიკალური ბაღი არ ჩავგვარა ბატონმა ბლანცამ? „რაც შეეხება სარწყავ სისტემას, არ გამოუყენებიათ განსაკუთრებული ტექნოლოგიები, რომ შეკეთება შეუძლებელი ყოფილიყო, ძალიან მარტივად შეიძლება ამის მოგვარება, მაგრამ არ გააკეთეს და შეიძლება მიზანმიმართულად მოქცნენ ასე. ახლა კი რამდენად შეძლებენ შეცდომის გამოსწორებას, ნამდვილად არ ვიცი. მთელი პასუხისმგებლობით ვაცხადებ, რომ არანაირი წესების დარღვევით არ გაკეთებულა ბაღი



და მუდმივი განახლების, სწორი მოვლის პირობებში, იყო რამდენიმეწლიანი მინიმუმი... ასეთ მდგომარეობაში არ იქნებოდა, მუდმივად რომ მოველოთ. ფაქტია, ამ სტენდმა ჭკნობა დაიწყო ბოლო რამდენიმე თვეა. შარშან ჰქონდათ ხარვეზები გამწვანებასთან დაკავშირებით და შესაძლოა, ბევრი არაფერი დაურგავთ, მაგრამ რაც დარჩეს, იმის მორწყვასა და შენახვა-პატრონობაზე ტენდერი არ გამოიწვხადებიათ. ერთ-ერთი მიზეზი, ამ სტენდის ჭკნობის, ესეცაა.“

მიზეზებზე საუბარი შეიძლება ახლა უადგილოც იყოს და „გამორჩათ“, ალბათ, ხმამაღალი ნათქვამია მაგრამ „ფაქტია, რაც ნარმანია მერი გახდა, ხელშეკრულება არავისთან გაუფორმებიათ მცენარეთა მოვლა-შენახვაზე“, — ასეთია ირაკლი ნადირაძის არგუმენტი, რასაც მერიის გამწვანების სამსახური იმ არგუმენტს უპირისპირებს, რომ მცენარეები ნამდვილად დარგეს და მათ გასაზრდელად დროა საჭირო, მაგრამ ნადირაძე უფრო შორს მიდის და ამბობს, რომ „ეს ადამიანები ვერ გაერკვნენ, ვინ რა საქმე უნდა შეასრულოს. ესაა თავისმართლება და არაკომპეტენტურობის მწვერვალი... წინა ხელისუფლების პირობებში მსგავსი პრობლემა არ შექმნილა და ეს სტენდი ნამდვილად საამაყო იყო.“

ვისთვის საამაყო, ვისთვის კი ზედმეტი ფუფუნების საგანი — თავის დროზე პროექტს საკმაოდ ბევრი მონიშნაღმდეგეც გამოუჩნდა არგუმენტებით — ქვეყანაში, სადაც ასეთი მიმე სოციალური ფონია, ვის ინტერესებს „ვერტიკალური ბაღი“, მაგრამ ასე იყო თუ, ისე, ბლანცა მალევე მოხიბლა ყველა და ალბათ, ლოგიკასმოკლებულია, არ შევინარჩუნოთ ის, რაც უკვე გაკეთებულია. ვფიქრობ, ფუფუნების საგანი ის უფროა, უკვე გაკეთებული მოიშალოს: „გასაგებია, რომ ქვეყანაში იმთავითვე უამრავი პრობლემა არსებობს, მაგრამ მაშინ ყველანაირ ინოვაციაზე უარი უნდა ვთქვათ. ეს ქალაქისთვის საამაყო სტენდია და სხვა საუბარი ამ თემაზე, არასერიოზულია... შური ალაპარაკებთ, თვითონ ახალს რომ ვერაფერს ჭმნიან, თორემ რაც მეტი სიმწვანე იქნება ქალაქში, მით უკეთესი, მით უმეტეს, ამ პრობლემის გამოსწორება მარტივად შეიძლება და არც განსაკუთრებულ ხარჯს საჭიროებს“, — ამბობს ირაკლი ნადირაძე და ძნელია არ დაეთანხმო. თანაც თავის დროზე, თავად პატრიკ ბლანცა განაცხადა, რომ მისი „ვერტიკალური ბაღები“ მართლაც არ საჭიროებს განსაკუთრებულ მოვლას, მათი შენახვაც საკმაოდ იაფი ჯდება — მთავარია დროულად მოიწყას და სასუქი მიენოდოს...

ფაქტია — ბლანცის „ვერტიკალური ბაღები“ ნამდვილი ხელოვნებაა — ესაა მცენარეთა ერთობლიობა, რომელთაც შეუძლიათ ვერტიკალურად განვითარება და ჰარმონიულად ერწყმიან ერთმანეთს ფერით, ზომით, ფოთლების ფაქტურით და ქმნიან კომპოზიციის რელიეფს. სხვათა შორის, არც კონსტრუქციის რთული — შენობის ფასსა და ზეგარდასტყობის ჩარჩო, თხელი პლასტიკატის კარკასით, რომელიც დაფარულია პოლიმერული საფარით და აქვს „ჯიბები“. სწორედ იქ თავსდება მცენარეები. ნაგებობის სისქე რამდენიმე სანტიმეტრს არ აღემატება და მისი მცირე წონა ყოველმხრივ უსაფრთხოა შენობის კედლებსთვის. მართალია, „მწვანე შედეგის“ ღირებულების დადგენა ადვილი არ არის, რადგან სხვადასხვა კომპოზიციის მცენარეთა განსხვავებული ასორტიმენტი გამოიყენება, მაგრამ სამაგიეროდ „ვერტიკალური ბაღის“ შენახვა არ მოითხოვს განსაკუთრებულ ძალისხმევას, ბიოლოგიური სისტემა თავისთავად ვითარდება, ხოლო რაც შეეხება მორწყვას, თავად ბლანცა აღნიშნავს, რომ ამის უზრუნველყოფა მარტივად შეიძლება — საკმარისია, შენობის თავზე განთავსდეს წყლის ავზი, რომელიც წვიმის წყლით გამოდმებით შეივსება და შედეგად მცენარეებიც მოიწვყება. ეს მცირე ამონარიდია პატრიკ ბლანცის ინტერვიუდან, რომელსაც მას შემდეგ მივმართეთ, რაც საქართველოში რამდენიმე ცნობილმა ფლორისტმა, ზოგმა მოუცვლელია, ზოგმა კი ქალაქგარეთ გასვლის უსუსური მიზეზით, კომენტარის გაკეთება არ ისურვა თემაზე, რატომ ჭკნება შეკიდული ბაღი. ალბათ მიზეზი აქაც მარტივია და ვილაცებისთვის პოლიტიკური ელფერიც დაჰკრავს, მაგრამ ფაქტი ერთია — „ვერტიკალური ბაღი“ „სრულ რეაბილიტაციას საჭიროებს!“ ამისთვის კი არც განსაკუთრებული ფინანსება საჭირო და არც უცხოელი არქიტექტორების მოწვევა. მთავარი მონდომებაა და ურიგო ნამდვილად არ იქნება, თბილისის გამწვანებაზე გამოყოფილი 20 მილიონი ლარიდან, მცირე თანხა „ვერტიკალური ბაღის“ რეაბილიტაციას მოხმარდეს. ჩვენ კი ვიმედოვნებთ, რომ ეს „მწვანე შედეგი“, რომელსაც ბევრი „მიშას შეკიდულ ბაღს“ უწოდებს, ქალაქის ხელისუფლების მიერ „დაკიდებულ ბაღად“ არ იქცევა.

# ზოოპარკში ვეფხვმა დამთვალნიარბლის დაგლეჯა შარშანს სხადა



ნინი ჯაფარიძე  
571-17-00-02

26 მაისს თბილისის ზოოპარკში ტრაგიკული შემთხვევა მოხდა — გულიკო ჭიტაძე, რომელიც 25 წლის განმავლობაში ზოოპარკში მომვლელად მუშაობდა, ვოლიერში მყოფმა ვეფხვის სამმა ბოკვერმა სასიკვდილოდ გაიმეტა. ცხოველების მიერ მიყენებული ჭრილობები იმდენად მძიმე იყო, ქალს ხელი მოაჭრეს. მის სიცოცხლეს საფრთხე აღარ ემუქრება, მაგრამ მძიმე ტრავმები აქვს სხეულის სხვა მდამოებში. არსებობს ინფექციის განვითარების რისკიც.

თბილისის ზოოპარკი დღეს თითქმის ცარიელია. ატრაქციონები გაჩერებულია, არც ბამბის ნაყინით სეირნობს ვინმე. ზოოპარკის პერსონალიც დუმს, საუბარი არავის ეხალისება, მით უმეტეს, იმ ადამიანზე, რომელიც დღეს სიკვდილს ებრძვის. მაიმუნების ვოლიერთან მოხუცი წყვილი გამოჩნდა, შვილიშვილს ასეირნებენ. ბატონი ვაჟა ამბობს, რომ ზოოპარკში დიდი ხანია არ ყოფილა. შვილიშვილი რომ არა, ალბათ არც მოვიდოდა: „ჩემი გოგოს ხათრით მოვევლით, თორემ აქ სიარული დიდად არ მომწონს. ერთსა და იმავე ზომის ვოლიერში დღეს სამი სრულიად განსხვავებული ცხოველის ნახვა შეგიძლიათ. მაგალითად, ეს ნაცრისფერი მაიმუნი, დათვი და ვეფხვი, რომელიც ფართის სიმცირის გამო ადგილს ვერ პოულობს. სპეციალისტი არ ვარ, მაგრამ მგონია, რომ ამ ცხოველებს განსხვავებული ფართი სჭირდებათ. არ ვიცი, იმ ქალბატონის შემთხვევაში რა მოხდა, მაგრამ... ცხოველთან ვერასოდეს იქნები დაცული“.

იმ ვოლიერის ნახვა გადავწყვიტე, სადაც გულიკო ჭიტაძეს მის მიერ გაზრდილი ვეფხვის ბოკვერები თავს დაესხნენ. ერთ ვოლიერში თეთრი ვეფხვები ზინადრობენ, მეორეში ვეფხვი „სალი“ და ბოკვერები, რომელმაც მომვლელი დაგლიჯეს. ერთ-ერთ ვოლიერს გისოლეზე რკინის ბადე აქვს აკრული. ამბობენ, ეს ბადე მას შემდეგ აკრეს, რაც შარშან, ვეფხვის ერთ-ერთ მნახველს დაესხა თავს. იმ ვოლიერზე, სადაც რამდენიმე დღის წინ უბედური შემთხვევა მოხდა, ბადე არაა აკრული. ალბათ, ბადე რომ ყოფილიყო, ვეფხვს ნაკლები შესაძლებლობა ექნებოდა, ვოლიერიდან თათი

რაცომ ესხმიან თავს ცხოველები ადამიანებს და არის თუ არა დაცუდი ვოლიერებთან უსაფრთხოების ნორმები

გამოეყო და ზოოპარკის თანამშრომელს თავს დასხმოდა. ზოოპარკის დირექტორი ზურაბ გურიელიძე ადასტურებს, რომ შარშან მსგავსი შემთხვევა მართლაც მოხდა, თუმცა განმარტავს, რომ მსგავსი რკინის ბადეების გისოსებზე დამაგრება მიზანშეწონილი არ არის — ეს გისოსებიდან ცხოველებისთვის საკვების მიწოდებასაც გაართულებს და ისიცაა შესაძლებელი, მტაცებლები მასზე აცოცდნენ.

ზურაბ გურიელიძე: — არ ვიცი რატომ გადაწყვიტა ქალბატონმა გულიკომ ვოლიერთან ახლოს მისვლა. არსებობს უსაფრთხოების გარკვეული ნესები. შესაძლოა ვეფხვს რაიმე უჭირა პირში და ქალბატონმა გულიკომ გადაწყვიტა მიახლოება. ყოფილა შემთხვევა, დამთვალნიარბლებს გადაუგდიათ ცელოფნის პარკები, რაც ცხოველებისთვის ძალიან რისკია — რომ გადაეცალოს, მოკვდება. ცხოველთან მისვლა დასაშვებია მაშინ, როცა არსებობს ამის მიზეზი. გუშინ მაგალითად ერთ ვეფხვს დაზიანებული ეშვი დაუთვალნიარბიერ. არ ვიცი, რა მოხდა. სამწუხაროდ, ქალბატონ გულიკოს ჯერ ვერ ვესაუბრე ამაზე. ყველაფერი რამდენიმე წამში მოხდა. ჩვენ გვყავს აგრესიული ცხოველები, მაგრამ ეს ვეფხვი ძალიან მშვიდი იყო, ყველაზე წყნარი მტაცებლებს შორის.

შესაძლებელია, 26 მაისს ჩატარებული ღონისძიებები გამხდარიყო ცხოველების გაღიზიანების მიზეზი და ისე იგეგმება თუ არა ზოოპარკის გაღიზიანება გარუბანში?

— იმ დღეს რამდენჯერმე გადაიფრინა თვითმფრინავმა, მაგრამ არ მგონია, ამას ცხოველი გაეღიზიანებინა. ეს იმ შემთხვევაში მოხდებოდა, თვითმფრინავს დაბლა რომ გაეფრინა — ცხოველი მაშინ ფრთხელებს, როცა ხმა ძლიერია. თეორიულად ეს შესაძლებელია. რაც შეეხება ზოოპარკის გაღიზიანებას, პროექტი ძალიან, ტერიტორია გამოყოფილია და მიმდინარეობს მუშაობა.

ქალბატონი გულიკოს მკურნალობის ხარჯებს ვინ ააზალაურებს?

— იმ თანამშრომლებს, რომლებსაც ხშირი შეხება აქვთ ცხოველებთან, აქვთ დაზღვევა. თუ საჭირო გახდა, ზოოპარკი ყველა საჭირო თანხას დაფარავს. ქალბატონი გულიკოც და მისი მეუღლეც, რომლებიც 25 წელია ამ საქმეს ემსახურებიან, ჩვენთვის ძალიან ძვირფასი ადამიანები არიან.

ვერსია გულიკო ჭიტაძის მეუღლეს, მალხაზ ჭიტაძესაც ესაუბრა. არც მან იცის, კონკრეტულად რა მოხდა და რატომ დაესხნენ თავს მის მეუღლეს ბოკვერები.



29 წლის მარინა არშა 20 წელია ანკარაში ცხოვრობს. აფხაზეთის ომის შემდეგ მისი ოჯახი იძულებული გახდა, სოხუმი დაეტოვებინა და საცხოვრებლად თურქეთში გადასულიყო. დღეს აფხაზეთთან მხოლოდ ერთი რამ აკავშირებს — აფხაზური ენა. მარინას ინგლისურად ვესაუბრე, რადგან ქართული არ იცის, მე კი — აფხაზური: „აფხაზეთის ომის შემდეგ, 90-იან წლებში ჩემი ოჯახი ჯერ სამსუნში გადავიდა, ნათესავებთან, შემდეგ ანკარაში. აქ 20 წელია ვცხოვრობთ. იურიდიულ ფაქტულტეტზე ვსწავლობ. ოთხ ენას ვფლობ, მშობლიური კი აფხაზურია. ოჯახში მხოლოდ აფხაზურად ვსაუბრობთ. ბავშვობიდან ასე იყო. აფხაზურის არდავინება ჩემთვის უმნიშვნელოვანესია — ეს ენა იმ ადგილთან ასოცირდება, სადაც დავიბადე“ აფხაზეთის ოკუპაციის შემდეგ, აფხაზური ენაზე მოსაუბრე ადამიანების რიცხვი კატასტროფულად, არაოფიციალური მონაცემებით, სამჯერ შემცირდა. მიუხედავად იმისა, რომ აფხაზეთში აფხაზური ენა ჯერ კიდევ მიიჩნევა ერთ-ერთ სახელმწიფო ენად, დომინანტი რეგიონში მაინც რუსულია. იუნესკომ აფხაზური გადაშენების საფრთხის წინაშე მყოფი ენების სიაშიც შეიყვანა. „ვერსია“ შეეცადა გაერკვია, რა სტრატეგია აქვს აფხაზეთის განათლების სისტემას, რა გავლენას ახდენს მასზე რეგიონში არსებული რუსიფიკატორული პოლიტიკა, რა უნდა გაკეთდეს გადაშენების პირას მყოფი ენის შესანარჩუნებლად და რაც მთავარია, ამ ფონზე რამდენად შესაძლებელია ე.წ. საზღვარსმილმა მყოფ ადამიანებთან ურთიერთობის აღდგენა. ამის გასარკვევად, „ვერსია“ ენათმეცნიერ აპთანდილ არაბუშს დაუკავშირდა.

— ბატონო ავთანდილ, სანამ განვიხილავთ რუსიფიკატორული პოლიტიკის გავლენას აფხაზურ ენაზე, მისი წარმოშობის შესახებ გვიამბეთ. რამდენი ადამიანი საუბრობს დღეს აფხაზურად და აქვს თუ არა ამ ენას რაიმე კავშირი რუსულ (სლავურ) ენებთან?

— აფხაზური ყოველთვის განიხილებოდა, ქართველურ ენებთან ახლოსდგომდა. რუსულთან მას არანაირი კავშირი არ აქვს. თავდაპირველად იყო მცდელობა, ქართული ანბანი გამოეყენებოდა, თუმცა ბუნებრივად, რუსეთმა ეს არ მოინდომა. ამიტომ ანბანი კირილიცას საფუძველზე შეიქმნა. აფხაზური დამწერლობა ცხადყოფს, რომ აფხაზურ ენაში ასოთა დიდი რაოდენობა რუსულს ჰგავს. აფხაზურად, აფხაზეთის გარდა, თურქეთში, სირიასა და ერაყშიც საუბრობენ. ჯამში ამ ადამიანების რიცხვი ასე ათასამდე მერყეობს. 90-იან წლებში განვითარებული მოვლენების შემდეგ აფხაზეთში მცხოვრები ქართული მოსახლეობის ნილი შემცირდა. რუსულის კი — გაიზარდა. დღეს აფხაზურ ენაზე მოსაუბრე ადამიანების რაოდენობა არამცთუ განახევრდა, არამედ შესაძლებელია 1/3-იც იყოს.

— რამდენად ეფექტურად უძღვება აფხაზური ენა რუსული ენის შემოტევას და რა უნდა გაკეთდეს მის შესანარჩუნებლად?

— რუსეთის გავლენა აფხაზეთში უფროდღაფრო გაძლიერდა. ოფიციალური, ფაქტობრივად, რუსეთიდან იმართება, სხდომებიც რუსულად ტარდება. აფხაზური ენის საარსებო სივრცე შეიზღუდა. სახელმწიფო სტატუსის მქონდე ენა საოჯახო სტატუსის ენად გადაიქცა. დღეს აფხაზეთში არსებული პოლიტიკური ვითარების გამო, საერთაშორისო ორგანიზაციებიც ვერ ახერხებენ იქ ჩასვლას და სათანადოდ მუშაობას. პირველ რიგში აუცილებელია კანონში განვიხილოთ ნორმები შესრულებდეს. უზრუნველყოფილი უნდა იყოს კონსტიტუციის მუხლი, სადაც წერია, რომ ქართული და აფხაზურია სახელმწიფო ენები. მიმართა, რომ სკოლებშიც აფხაზურ ენაზე უნდა იყოს სწავლება, თუმცა ამისთვის ჯერ იქ ვითარების მონესრიგება საჭიროა. ენის გარდა, იქ ეთნოგრაფია და ფოლკლორიც დაუცველია, რადგან საოკუპაციო რეჟიმის წარმომადგენლები მხოლოდ მათთვის სასარგებლო პოლიტიკის გატარებაზე ფიქრობენ.

ფილოლოგიის მეცნიერებათა დოქტორი, სოხუმის სახელმწიფო უნივერსიტეტის აფხაზური ენისა და კულტურის ინსტიტუტის დირექტორი თინიშუაზ ბვანცელაძე აცხადებს, რომ რაც მეტი დრო გადის, ოკუპირებულ ტერიტორიასა და საზღვრისმილმა დარჩენილ ქართველებს შორის ურთიერთობები უფრო ცივდება. მისი განმარტებით ენის პოპულარიზაციისა და გადარჩენისთვის სახელმწიფოს მხრიდან სერიოზული მხარდაჭერა საჭირო და მხოლოდ აფხაზეთის განათლების სამინისტროს ნება და რესურსი ამისთვის საკმარისი არ არის.

# აფხაზური ენა გადაშენების პირასაა



## სარეკლამო ბანერები სოხუმში

### რა პრობლემების წინაშე დგანს აფხაზეთის მოქალაქეები, რა ართულებს ქართულ-აფხაზურ ურთიერთობებს და რას აკეთებს აფხაზეთის მთავრობა ენის გადასარჩენად

— რაც მეტი დრო გადის, მით მეტად შორდება ეს ორი საზოგადოება ერთმანეთს. ყველაზე ცუდი ისაა, რომ მოდის ახალი თაობები, რომელთაც ურთიერთობა არ აქვთ, ერთმანეთის შესახებ არაფერი იციან. მხოლოდ უარყოფითი კონტექსტში მიეჩნევათ ინფორმაცია. ახალგაზრდებმა მხოლოდ ის იციან, რომ მოხდა კონფლიქტი. აფხაზეთში თაობებს სკოლიდანვე უნერგავენ ქართველების სიძულვილს. ეუბნებიან, რომ აფხაზის პირველი მტერი რუსი კი არა, ქართველია. ეს ძალიან ცუდია, თუმცა ამის დაძლევა შესაძლებელია. ბოლოს და ბოლოს, არც ისე დიდი ხნის წინ ევროპაშიც გვექონდა ასეთი მაგალითი. გერმანელებმა გაუღიეს ებრაელები, მაგრამ სწორი პოლიტიკის გამო ამ ორ ხალხს შორის დღეს არაფერაა ურთიერთობა. ურთიერთობების გამოსწორებას ხელშეწყობა სჭირდება.

— ენის წარმოშობის, ისტორიის წარმოშობის ტოლფასია. რა შედეგს მოიტანს აფხაზური ენის განადგურება?

— ლოზუნგი — დაე, იყოს ქართული სხეული და რუსული სული, ჯერ კიდევ მე-18 საუკუნეში არსებობდა. ეს დებულება ეხება, პრაქტიკულად, ყველა ეთნიკურად არარუსს, მათ შორის აფხაზეთში მცხოვრებსაც. როცა ერი დედაენას კარგავს, ცოტა ხანს ინარჩუნებს ეთნიკურ თვითშეგნებას, მაგრამ საბოლოოდ, აღარც ეთნიკური იდენტობა შერჩება და მხოლოდ ის ეცოდინებათ, რომ აფხაზური გვარისანი არიან. აფხაზურ ენას სახელმწიფო ენის სტატუსი მხოლოდ ქალაქებში აქვს. აქ ერთი საინტერესო დეტალია. კონსტიტუციაში თავიდან ჩაინერა, რომ აფხაზეთში სახელმწიფო ენა აფხაზური იქნებოდა. სხვა ენა ნახსენები არ იყო. მოსკოვში განგაში ატყდა. ზენოლის შედეგად, ზუსტად 1 კვირაში, კონსტიტუციაში ტექსტი შეიცვალა და ჩაინერა, რომ სახელმწიფო ენა, აფხაზურთან ერთად, რუსულიცაა. შეიძლება ითქვას, აფხაზი ხალხის უფლებები მოსკოვმა წყალში ჩაყარა. დღეს აფხაზური ენა პრესტიჟული აღარ არის. ამის გამო მოსახლეობა აფხაზურის შესწავლით დაინტერესებული არ გახლავთ. თაობები გაიზრდება იმ შეგნებით, რომ რუსული ენა უფრო პერსპექტიული და სასარგებლოა. ეს დამლუპველი გარემოებაა, რომელიც საბოლოო განაჩენს გამოუტანს აფხაზურ ენას.

— ოკუპაციის პირობებში, როგორ უნდა ვებრძოლოთ აფხაზური ენის გადაშენებას?

— სანამ ოკუპაციის რეჟიმი გრძელდება, გასაქანი, აფხაზური რეალურად იყოს სახელმწიფო ენა, არ არსებობს. ოკუპაციის დასრულების შემდეგ, ყველაფერი უნდა გაკეთდეს, რომ ამ ენას ჰქონდეს გამოყენების ფართო ასპარეზი. დღეს აფხაზეთის ავტონომიური რესპუბლიკის განათლების და კულტურის სამინისტროს არ აქვს ბერკეტი, აფხაზეთში არსებული ენობრივი ვითარება შეცვალოს, მაგრამ ჩვენ ბევრი სხვა რამ შეგვიძლია — აფხაზებმა უნდა დაინახონ, რომ არ ვართ მათი დედაენის მტრები და მათზე გული შეგვტკივა. შესაძლებელია, შეიქმნას სხვადასხვა დონის სახელმძღვანელო, მაგრამ ამას დიდი თანხები სჭირდება. სამინისტრო, მცირე შესაძლებლობების ფონზე, ამ მიმართულე-

ბით ნამდვილად ბევრ რამეს აკეთებს. ამ საქმეს სახელმწიფოსგან სერიოზული მხარდაჭერა სჭირდება. ენისთვის სათანადო ხელშეწყობი პირობების შექმნა ხელისუფლების პრეროგატივა უნდა გახდეს. შარშან, იმის გასაგებად, რა არის საჭირო, რომ აფხაზური ენის კონსტიტუციური სტატუსი ქალაქებზე არ დარჩეს, სხვადასხვა ოფიციალური სტრუქტურებიდან რამდენიმე ადამიანმა მოგვმართა. ღონისძიებები წარვადგინეთ, მაგრამ ამით დამთავრდა ყველაფერი. ღონისძიება ღონისძიებისთვის გატარდა და მერე ნაბიჯიც არ გადადგმულა. უკვე წელი გავიდა და ამ საქმით ჯერ არავინ დაინტერესებულა.

იმის გასარკვევად, რა პროექტებს ახორციელებს აფხაზური ენის გადასარჩენად აფხაზეთის ავტონომიური რესპუბლიკის განათლებისა და კულტურის სამინისტრო, „ვერსია“ მინისტრის მოადგილეს, მანანა ძვანაძის დაუკავშირდა.

— აფხაზური ენის დაცვის, განვითარებისა და პოპულარიზაციის მიზნით, სამინისტრო წლებია სხვადასხვა მიზნობრივ პროგრამასა და ღონისძიებას ახორციელებს. დამწყობათვის შეიქმნა აფხაზური ენის შესწავლის ელექტრონული ორდონიანი პროგრამა, რომელიც სამინისტროს ვებგვერდზეა განთავსებული. მისი გამოყენება ნებისმიერი ასაკის ადამიანს შეუძლია. ამ მეთოდით ენის სრულყოფილი შესწავლა ვერ მოხდება, თუმცა ურთიერთობისთვის საკმარისი სასაუბრო უნარების და ცოდნის განვითარებას ხელს ნამდვილად შეუწყობს. სერიოზულ პრობლემას წარმოადგენს სათანადო სახელმძღვანელოების არარსებობა. ჩვენი მიზანია, სკოლისთვის სახელმძღვანელოები დაიბეჭდოს. ეს შედარებით რთული პროცესია — მსგავსი ნიგნები აფხაზეთშიც არ არსებობს. რამდენიმე თვის წინ ამ საკითხებზე დისკუსია გაიმართა. შევიმუშავეთ მომავალი მოქმედების გარკვეული სტრატეგია. ვახორციელებთ წარმატებულ სტრუქტურების მხარდაჭერა პროგრამასაც და უკვე წლებია ვავინანსებთ სოხუმის სახელმწიფო უნივერსიტეტის აფხაზური ფილოლოგიის სტუდენტებს.

— რამდენი სტუდენტი სწავლობს დღეს ამ ფაკულტეტზე?

— შარშან ხუთი სწავლობდა. ნელსაც დაახლოებით ამდენია. ყველა ქართველია. უმნიშვნელოვანესია, რომ მათ გამოთქვებს აფხაზური ენის შესწავლის სურვილი. ამასთან, აფხაზეთის 13 საჯარო სკოლიდან სამში აფხაზური ენა დღეს არჩევითი საგანია. ინტენსიურად ვმუშაობთ საქართველოს განათლებისა და მეცნიერების სამინისტროსთან, რომ 2015-2016 სასწავლო წლისთვის სკოლების რაოდენობა გაიზარდოს. 6-მდე მაინც. ეს კვალიფიციური კადრების დეფიციტთანაცაა დაკავშირებული, მაგრამ ჩვენი მიზანია, ეს ენა ისწავლებოდეს არა მხოლოდ აფხაზეთის საჯარო სკოლებში, არამედ საქართველოშიც.

— ფიქრობთ, მოსწავლეები აფხაზურის შესწავლას მოისურვებენ და ზოგადად, რამდენად გაამართლა სკოლებში აფხაზური ენის არჩევითი საგანად შეტანა?

— ამაზეც ვიმსჯელებთ, რადგან აფხაზური, ფაქტობრივად, შიდამომხარების ენად იქცა. საჭიროა გაცნობიერება, რომ ენა ცალკეული ეთნოსის, მისი კულტურისა და იდენტობის შენარჩუნების გზაა. ახალგაზრდებთან საჭიროა აფხაზური ენის პოპულარიზაცია. მათ უნდა გააცნობიერონ ამ ენის დაცვა-განვითარების მნიშვნელობა. სკოლებში აფხაზური ენის შეტანის შედეგი ის არის, რომ მოსწავლეები წერენ და კითხულობენ აფხაზურ ენაზე და ელემენტარულ დონეზე ფლობენ სასაუბრო ენას. ვფიქრობ, პოზიტიური ურთიერთობების განვითარებაში ეს სწავლება მნიშვნელოვან როლს ასრულებს. თუმცა, როგორც ვთქვი, რიგი პრობლემები არსებობს. დღეს აფხაზური ენის სპეციალისტების დეფიციტია. საურთიერთობო ენის ფლობა არ ნიშნავს ენის ცოდნას და პედაგოგიური საქმიანობისთვის საკმარისი არ არის.

— გაქვთ საკმარისი დაფინანსება საჭირო პროექტების განსახორციელებლად, მაგალითად სახელმძღვანელოების დასაბეჭდად?

— აფხაზეთის ავტონომიური რესპუბლიკის მთავრობას აქვს ნება, აფხაზურ ენას სათანადო ყურადღება მიექცეს. შესაბამისად, ბიუჯეტიდანაც გვაქვს გამოყოფილი თანხები. თუმცა, ამ მხრივ პრობლემები მაინც არის. გვაქვს ასევე საერთაშორისო ორგანიზაციების მხარდაჭერაც. მაგალითად, მათი დაფინანსებით დაიბეჭდა აფხაზური ენის ლექსიკონები, ქართულ-აფხაზური სასაუბრო...

## პერსიანიუსი



### შვეიცარიის პოლიცია კოჩუფსიის ბრალდებით ფიფას ხელმძღვანელობა დააკავა

როგორც ირკვევა, დაკავებულები არიან ორგანიზაციის აღმასრულებელი კომიტეტის 2 ვიცე-პრეზიდენტი — ჯეფრი უები და ეუსენიო ფიგერედო. დაკავებულთა შორის სხვა ხელმძღვანელი პირებიც არიან. მთლიანობაში, დაპატიმრების ორდენი „ფიფას“ 10-ზე მეტ წევრზეა გაცემული, თუმცა ყველა მათგანი ამჟამად შვეიცარიაში არ იმყოფება.

დაკავებულები კორუფციაში არიან ეჭვმიტანილები, რადგან მათ დაეხმარებოდათ აშშ-ში მოხდენა.

ფიფას ლიდერები კი ციურხში ყოველწლიურ შეხვედრაზე იკრიბებიან, რომელიც 29 მაისს უნდა გაიმართოს სადაც ორგანიზაციის ახალი პრეზიდენტი უნდა აირჩიონ. ფიფას ამჟამინდელი პრეზიდენტი იოზეფ ბლატერი მეხუთე ვადით აპირებს არჩევნებში საკუთარი კანდიდატურის წარდგენას.

„პირველი“



# „რუსეთმა უნდა გაიხსნოს, რომ საქართველო არსებობს“

## იური კობაძე ქართულ გეოპოლიტიკაზე, ქართულ სამხარეულოსა და სწუმართმოყვარეობაზე

იური კობაძე რუსეთში ერთ-ერთი ყველაზე ცნობილი ქართველია. წარსულში რუსეთის ფედერაციის დაზვერვის გენერალ-მაიორი გახლდათ. დღეს ცნობილი პუბლიცისტი და პროფესორი, მოსკოვის სახელმწიფო საერთაშორისო უნივერსიტეტის ჟურნალისტიკის ფაკულტეტის დეკანის მოადგილეა. „ლენტა.რუ“-სთან ინტერვიუში, იური კობაძე რუსეთ-საქართველოს ურთიერთობებზე და მათი დარეგულირების გზებზე საუბრობს. კობაძე ასევე რამდენიმე რჩევას აძლევს მათ, ვინც საქართველოში დასვენებას გადაწყვეტს.

— ბატონო იური, რა შეიცვალა ბოლო წლებში რუსულ-ქართულ ურთიერთობებში?

— მოხდა ის, რაც მოხდა. როცა სტუდენტი ვიყავი, ჩემ თაობას მოსკოვი და ზოგადად რუსეთი განსაკუთრებით იზიდავდა. იმხანად, დღემდე მგონი 7-8 რეისზე მეტი დაფრინავდა რუსეთის მიმართულებით. სად ვისწავლოთ? — მოსკოვში. სად გავერთოთ? — მოსკოვში. მაგრამ ერთ საათში ყველაფერი მიუწვდომელი გახდა. მაშინ, როცა რუსებისთვის საქართველო დღემდე ღიაა. კი ბატონო, მობრძანდი, ვიზას მოგცემენ, საზღვარზე ბოლო ღვინოსაც გაჩუქებენ და მადლობასაც გადაგიხდის, რომ ჩამოხვედი. აი, ქართველისთვის კი მოსკოვში მოხვედრა ნამდვილი ტანჯვაა.

— ვიზებს არ აძლევენ?

— აძლევენ, მაგრამ რთულად. უნდა გადაიხადო რიგში დგომის, რიგის დაცვის, ვიზის საფასური. ყველაფერი დროში ინელდება და რთულდება. ეს კარგად ვიცი. ხშირად მიხვდები დახმარებას, ამიტომ დღეს ნაკადი მიდის მხოლოდ ერთი მიმართულებით. რუსეთში კი, ფაქტობრივად, აღარავინ მოდის. კიდევ ვხუმრობ ხოლმე, რომ მოსკოვში, სოკოებივით მომრავლებული ქართული რესტორნების რიცხვი, რუსეთში მყოფი ქართველების რიცხვს აჭარბებს. იმ ცნობილი გაძევების თუ დეპორტაციის შემდეგ, მგონი, აქ ქართველები არც დარჩნენ. მე უკანასკნელი ვიყავი.

— შესაძლებელია, ამ კუთხით რაიმე გადამწყვეტილება სწრაფად მიიღონ?

— ვითარება ძალიან რთულია. არ ვიცი როგორ გადაწყდება სავიზო რეჟიმის გაუქმების საკითხი. არადა, მიმაჩნია, რომ ამის გაკეთება აუცილებელია. ქართველებს ხომ არ დამოუღიწიან სავიზო რეჟიმს რუსეთთან? მათ შეწყვიტეს დემომატიური ურთიერთობები, მაგრამ ეს სხვა რამაა. რუსეთმა უნდა გადადგას შემხვედრი ნაბიჯი. ეს მნიშვნელოვნად გააუმჯობესებდა ურთიერთობებს ქვეყნებს შორის და რუსეთის აღქმას საქართველოს მიმართ. იზრდება თაობა, რომელიც არ არის ნამყოფი რუსეთში. სამაგიეროდ, მათ აქვთ საშუალება, გაემგზავრონ რომში, პარიზში, ლონდონში... ყველაგან, სადაც მოესურვებათ. ჯერჯერობით, ვერ ვხედავ ვერანაირ ნიშანს, რომ სავიზო რეჟიმს მოიხსნება.

— ამას რა უშლის ხელს?

— ოფიციალური პოლიტიკა. არანაირ წინსვლას ახლო მომავალში არ ველო, რადგან საქართველო არ ამბობს უარს ევროპულ ორიენტაციაზე და ნატო-ში შესვლაზე, რუსეთისთვის კი ეს დაუსშვებელია.

— ამ ფონზე, საქართველოს რიგითი მოქალაქეები რუსეთს მეგობრად მიიჩნევენ თუ არასაყვარელ მეზობლად?

— არასაყვარელ მეზობლად, მაგრამ ეს არ ვრცელდება რუსებზე. შეგიძლიათ ნებისმიერ რუსს ჰკითხოთ, ვინც საქართველოში იყო. არ მსმენია, ვინმეს დაჩივლა ანტირუსულ ქმედებებზე საქართველოში, შეურაცხყოფაზე. ამ მხრივ ქართველები ძალიან მომთმენები არიან. საქართველოში, მაგალითად, ანტისემიტიზმი არასოდეს ყოფილა. ყველაგან, განსაკუთრებით თბილისში, შეინიშნება კულტურების შერწყმა — ყველა ეკლესია, მეჩეთი, სინაგოგა, ერთ მტკაველზეა. მე თავად ვარ ამ ქართული ინტერნაციონალიზმის სკოლის შვილი. ქართველები სტუმართმოყვარეები არიან, რასაც ხასიათის გარდა, ბევრი მიზეზიც აქვს, მათ შორის მატერიალური დაინტერესებაც. ანუ რუსები არიან ადამიანები, რომლებიც საქართველოში ხარჯავენ ფულს.

— რას ურჩევთ მათ, ვისაც საქართველოს ნახვა სურს?

— იყიდონ ბილეთი და ჩასხდნენ თვითმფრინავში. იმედი ჰქონდეთ, რომ დაცემა ავიაბილეთების ფასი. ინტერნეტის საშუალებით, ადვილია, იპოვო სასტუმრო, რომელსაც შენი ჯიბე განვდება, რადგან საქართველოში მრავალფეროვნად ვიანი სასტუმროებიცაა და საოჯახო ტიპისაც. აირჩიონ მარშრუტი. საქართველოში ბევრი რამაა სანახავი: უძველესი ქალაქები, მთა, ზღვა. ვურჩევ, ბათუმში ჩავიდნენ. იქ ბებია ცხოვრობდა და არ დადევებს ვატარებდი. რა თქმა უნდა, აუცილებლად უნდა დააგეოგონ ქართული უგემრიელესი კერძები. საქართველოში უამრავი რესტორანია, მგონი, იმაზე მეტი, ვიდრე მთელ შსაფლიოში. იქ ძალიან გემრიელად ამზადებენ. მოკლედ, არ მოიწყენთ.

— მართალია, რომ ქართველი საგზაო პოლიციელები

ფულს არ იღებენ?

— აი, ეს მართლაც ფანტასტიკაა! ეს საკუთარ ტყავზე გამოცდად. სააკაშვილის ხელისუფლებამ ამ თვალსაზრისით კოლოსალური ნახტომი გააკეთა. საქართველოში ახლა არის პოლიცია, რომელიც საგზაო ფუნქციებს ასრულებს. ვაკვირდებოდი, როგორ ეხმარებოდა პოლიციელი მძღოლს ბორბლის გამოცვლაში, რაც მანამდე წარმოუდგენელი იყო. მართლაც, ამ სფეროში საქართველოში საოცარი ცვლილებები მოხდა.

— თურქეთი დიდ პიარკამპანიას აწარმოებს ჩვენი ტურისტების მისაზიდად, საქართველო კი ასე არ აქტიურობს. რატომ?

— ვერ გიპასუხებთ ამ კითხვაზე. არასოდეს შევედვიარ ტურისტულ საიტებზე, რადგან იქ საკმაოდ რეკლამაა. საქართველოს ჯერ კიდევ არ შეუძლია, ამ მხრივ თურქეთს კონკურენცია გაუწიოს. იყო დრო, ვამაყობდით, რომ ღამით, თვითმფრინავით როცა გადაუფრენდი, საქართველო კაშკაშებდა, თურქეთი კი, ჩანებლბული იყო. ბოლო 30 წელში ბევრი რამ შეიცვალა — თურქეთი გაბრწყინებულია, საქართველო კი — ჩანებლბული. თურქებმა გიგანტური ნახტომი გააკეთეს, შექმნეს წარმოუდგენელი ინფრასტრუქტურა. რუსები და ყოფილი საბჭოთა კავშირის მოქალაქეები ამაში ნამდვილად დაეხმარნენ, რადგან დაინყეს იქ ჩასვლა და ფულის ხარჯვა. უზარმაზარი კურორტები აშენდა. თუ არ ვცდები, იქ დამსვენებლების 90% რუსია. საქართველოში კი, როგორც ამბობენ, სომხები, ყაზახები ისვენებენ. ისინი, ვისაც ზღვა არ აქვს. ხალხი სიამოვნებით ჩადის ბათუმში.

— რუსეთში ძლიერი ქართული სათვისტომოა?

— ვემშობ, არა. სხვადასხვა ჯგუფი არსებობს. ისინი პერიოდულად მირეკავენ, ჩნდებიან. ძველმა თაობამ, საბჭოთა კავშირის ვერანაირ აქტიურ ქმედებას. საერთოდ, ჩემი აზრით, სათვისტომოები ბოლო დროს არც არსებობს, გამონაკლისი სომხური სათვისტომოა, რომელიც ახლა იფურჩქნება.

— ეს ალბათ სასაცილოა, თუ თქვენ წარსულს გავითვალისწინებთ.

— მე, რა თქმა უნდა, ტკბილი ლუკმა ვარ, თუ გავითვალისწინებ ჩემს ბიოგრაფიასა და კავშირებს რუსეთთან, მაგრამ ვერ ვხედავ ვერანაირ აქტიურ ქმედებას. საერთოდ, ჩემი აზრით, სათვისტომოები ბოლო დროს არც არსებობს, გამონაკლისი სომხური სათვისტომოა, რომელიც ახლა იფურჩქნება.

— რუსეთში არსებობს დღეს რაიმე გაფრთხილება საქართველოს წინააღმდეგ?

— იცით, 2008 წლის შემდეგ, როცა ნამდვილად მოხდა დეპორტაცია და ანტიქართული განწყობა, ჩემი აზრით, შეიცვალა. ზოგადად, რუსები ძალიან მომთმენები არიან და არავის მტრობენ, თუ ეს არ არის მხარდაჭერილი სახელმწიფოს პოლიტიკის მიერ. დღეს ჩვენი მთავარი მტერია — უკრაინა.

— მაგრამ არა უკრაინელები.

— მალე იქნებიან უკრაინელებიც. ფიქრობ, უკრაინელების დღევანდელი თაობა და ბანდეროველები (ულტრანაციონალისტი) — პრაქტიკულად იდენტური ცნებებია. იგივე მოხდა საქართველოს შემთხვევაშიც. ჩემი ქალიშვილი დაიბადა რუსეთში, მთელი ცხოვრება აქ გაატარა და საქართველოს კარგად არ იცნობს. მეზობლებმა დააბეზლეს და შემდეგ მასთან, მოსკოვის ბინაში მივიდნენ საბუთების შესამოწმებლად. მაშინ საქმე უბრალოდ აბსურდამდე მიდიოდა. სკოლებს მითითება ჰქონდათ, აღენერათ და გაერიცხათ ყველა ქართველი. ვიცნობ ადამიანებს, ვინც იძულებული გახდა, წასულიყო, მაგრამ მე მყავდა მეგობარი... ანეკდოტური ამბავია. სწორედ იმ პერიოდში, გამაჩერა „გაიშნიკმა“ და მომთხოვა საბუთები. ვუთხარი: „არ მინდა, გაჩვენოთ საბუთები, თუ გაჩვენებთ მაშინვე დამიჭერთ“. მან მითხრა: „საიდან მოიტანეთ, რომ უნდა არაფერი იქ?“ ვუპასუხე: „ქართველი ვარ“. დიდხანს იცინა, დაავიწრო ალარ შემომიწმინდა და გამომიშვა.

— ამ ყველაფერს საქართველოში როგორ შეხვდნენ?

— საქართველოში ამ ყველაფრის ტირაჟირება ხდებოდა. იყო ისტორიები, როცა ვიღაც კინაღამ მოკვდა თვითმფრინავში, აერიპორტში. ეს ყველაფერი დაძაბულობას ქმნიდა, მაგრამ ის ფართოდ არ გავრცელებულა. ყოველ შემთხვევაში, ჩემი თაობის ადამიანებზე, რომლებიც გაზრდილები არიან რუსულ კულტურაზე, იციან რუსული, ამას არ უშოქმედია. ეს განსაკუთრებით შესამჩნევია, როცა ჩამოდის თეატრალური კოლექტივი, ფესტივალი, სადაც შედის მრავალი ადამიანი. ინტერესი დიდია.

— რას გრძნობენ ახალგაზრდა ქართველები, რომლებიც არ არიან გაზრდილები რუსულ კულტურაზე, მაგრამ ახსოვთ 2008 წლის მოვლენები?

— რთულია ვთქვა, მე ხომ იქ არ ვცხოვრობ. აფხაზეთისა და „სამხრეთ ოსეთის“ დამოუკიდებლობის აღიარებამ, განსაკუთრებით დაამუხრუჭა ქართულ-რუსული ურთიერთობების დარეგულირება. საქართველო არასოდეს შეურიგდება ოსეთისა და აფხაზეთის მოწყვეტას, რუსეთი კი არასოდეს იტყვის ამაზე უარს. დღეს სპეციალისტები, რომლებიც ჩადიან საქართველოს უნივერსიტეტებში, ლექციებს ინგლისურად კითხულობენ, რადგან ახალგაზრდობამ რუსული არ იცის. იყო რაღაც ინტერესი, ადამიანებს შვილები მიჰყავდათ რუსულის შესასწავლად, მაგრამ დღეს ასე აღარ ხდება. 25 წლის



განმავლობაში, განსაკუთრებით ომის შემდეგ, იმას მივალნიეთ, რომ რუსეთი გადაიხაზა ქართველების, განსაკუთრებით ახალგაზრდების პოლიტიკური რუკიდან.

— ანუ აფხაზეთმა და „სამხრეთ ოსეთმა“ დიდი ჯვარი დაუსვა რუსულ-ქართულ ურთიერთობებს?

— რაც მოხდა, მოხდა. ფიქრობ, რუსეთმა დაუშვა შეცდომა, როცა ოფიციალურად აღიარა ამ ანკლავების დამოუკიდებლობა მაგრამ, როგორც იცყვიან — „არასოდეს თქვა არასოდეს“. როდესმე ყველაფერი იცვლება და როდესმე ესეც გადაწყდება. მაგრამ დღეს ვერ ვხედავ გამოსავალს. უნდა დაველოდოთ თაობების ცვლას, რომლებიც ალბათ შეძლებენ რაღაც კომპრომისებზე წასვლას.

— შესაძლებელია რაიმე გაკეთება სახალხო დიპლომატიის დონეზე?

— მასხოვს, ერთხელ საქართველოში, რუსული ენის მასწავლებლები მესაუბრნენ, რომ სკოლებში, რუსულის სწავლის დონე დაბალი იყო. დახმარება მიხვოვს, თუნდაც სახელმძღვანელოების სახით, მაგრამ ამისთვის თითოც არავის გაგვიჩნდრევიან. სულ ვამბობდი, მათ შორის საჯაროდაც, რომ ასე არ შეიძლება. თუ ჩვენ მხარს ვუჭერთ თანამემამულეებს, ვალდებულები ვართ, მხარი დავუჭიროთ რუსულ ენას. საბჭოთა დროს ეს ყველაფერი კარგად იყო დალაგებული. დღეს, გასაგები მიზეზების გამო, ყველაფერი დაბალ დონეზეა.

— იქნებ, კულტურულმა თანამშრომლობამ მოახერხოს ამის შეცვლა?

— იცით, ჩემი თავი გამოვიჭირე, ფიქრობდი — მოსკოვში მანქანით რომ მიდიხარ, აფიშებს უყურებ — ჩამოდის სომხური კოლექტივი, სხვებიც, ქართული თითქმის არაა. კი, გაბრიძე, ბოლო წლებში რეგულარულად ჩამოდის, „მარიონეტების თეატრი“ და პრაქტიკულად სულ ესაა. სად არის რუსთაველის თეატრი? ყველაფერი თავდაყირაა ომის გამო. საერთოდ, იყო პერიოდი, სოციოლოგიური გამოკითხვები ცხადყოფდა, როცა საქართველო ითვლებოდა რუსების მხრიდან ნომერპირველ მტრად. ამერიკელებსაც კი გადაუსწრეს ქართველებმა და საქართველოშიც ასე იყო.

— ანუ, ჩვენი ურთიერთობა ყველაზე დაბალ ნიშნულს გაუტოლდა?

— ვფიქრობ, დიახ. ამაზე ქვევით, უკვე აღარ არსებობს. დიპლომატიური ურთიერთობები უკვე აღარაა, გაცვლა-გამოცვლა, თითქმის არ გვაქვს. არის გამონაკლისები, მაგალითად, რუსული კინოს ფესტივალი, რომელიც ინვეს კოლოსალურ ინტერესს, მაგრამ ეს არის ძალიან ცოტა.

— აინტერესებს კი საქართველოს რუსეთთან ურთიერთობის აღდგენა?

— საქართველო ბევრ რამეში ვალშია რუსეთთან, რუსეთის წყალობით გამოვიდა საქართველო ევროპულ არენაზე. რუსეთი ლოკომოტივია, რომელმაც ამ არენაზე გამოიყვანა საქართველო, უდიდესი კულტურისა და ისტორიის ქვეყანა. ვინ იცოდა მაშინ საქართველოს შესახებ? ამას აფხაზებენ ქართველები. მაგრამ რუსეთიც ამ როლის შესაბამისად უნდა მოიქცეს. ის არ იქცევა სათანადოდ. რუსეთი უზარმაზარი ქვეყანაა. აიღეთ მაინც საკუთარ თავზე პასუხისმგებლობა მომხდარის გამო, გადმოდგით ნაბიჯები ურთიერთობის დასაბრუნებლად. თორემ, აგერ ხვდებიან აბაშიძე და კარასინი და რა? რისთვის ხვდებიან? რაზე ლაპარაკობენ? — მგონი, არაფერზე.

— თქვენ რაზე ილაპარაკებდით მათ ადგილას?

— უნდა გაიხსენოთ, რომ საქართველო არსებობს. გასაგებია, ახლა ძალიან რთულია, შეცვალო აფხაზეთისა და ოსეთთან ხელმოწერილი შეთანხმება. ეს ყველაფერი გამაღიზიანებელია საქართველოსთვის. ქართველები, თავის მხრივ, დემონსტრაციულად არ ამბობენ უარს პროევროპულ, პროამერიკულ, პრონატოურ ორიენტაციაზე. ეს ალიზიანებს რუსეთს. მაგრამ ავიღოთ მაგალითად თურქეთი. ეს ხაზგასმით არა მეგობრული ქვეყანაა, მისი მონაწილეობით ნატო-ში, მისი ინტერესებით, შავი ზღვის პოლიტიკით... მიუხედავად ამისა, თურქებთან, მგონი, დღეს უფრო თბილი დამოკიდებულება გვაქვს, ვიდრე ყოფილი საბჭოთა კავშირის ბევრ სხვა ქვეყანასთან, მათ შორის — ქართველებთან. გერმანია, რომელთანაც სისხლის-მღვრელი ომი გვქონდა, ბოლო მომენტამდე იყო ჩვენი პირველი მეგობარი. ისტორია გვასწავლის, რომ პოლიტიკური და დიპლომატიური სირთულეები აუცილებლად არ მოქმედებს ადამიანების ცნობიერებაზე. აუცილებელია ურთიერთობების განვითარება, ადამიანური კონტაქტების გაღრმავება, სახელმწიფოებს შორის კავშირი. ამ თვალსაზრისით, რუსეთის დამოკიდებულება საქართველოს მიმართ, ნამდვილად არ მომწონს და არ მანყობს, მით უმეტეს, რომ ამით სასიცოცხლოდ დაინტერესებული ვარ — დედა რუსი მყავს, მამით კი ქართველი ვარ.

ნინო ლურსმანაშვილი









ადვილი

სტანდარტი

რთული

ექსპერტი

		2		6		7
1				8	9	
			3		5	2
	5				2	1
3				5		4
6		1				9
	3	4		7		
		9	4			2
7			6		4	

8				9		
	5					1
3		9		5	8	7
7			9			4
		2				3
		8		1		7
	7	5	6		9	8
	9					4
			4			6

9			2		8	
6	3		8			2
	1		4			3
				2		
1		5	9		6	4
			1			7
8				4		5
5				8		6
2			7			8

				8	1	6
				5		4
	6		1			3
		7	8			6
		4		3		7
	3				1	2
5	9			2		6
4			9			
1	8	5				



# სამდიპლომიანი 11 წლის მუხრანელი

აშშ-ს ქალაქ საკრამენტოს მცხოვრებმა, 11 წლის მოზარდმა ტანიმ აბრაჰამმა სამი დიპლომი მიიღო. სასწავლო დაწესებულებაში ბიჭი ერთი წლის განმავლობაში მათემატიკას, საბუნებისმეტყველო მეცნიერებებს და უცხო ენებს სწავლობდა. პატარა კურსდამთავრებული ამბობს, რომ სურს, მომავალში სტენფორდის უნივერსიტეტში ისწავლოს, ექიმო, სამედიცინო მკვლევარი და ამერიკის პრეზიდენტი გახდეს. პირველ რიგში კი ბაკალავრის ხარისხის მიღებაზე იზრუნებს. აბრაჰამი ცნობილი ჯერ კიდევ შარშან გახდა, როცა 10 წლისამ საშუალო სკოლა დაამთავრა, ატესტატის აღება მას ბარაკ ობამამაც მიულოცა. ტანიმ ინდოელი ამერიკელების ოჯახიდანაა, მამამისი პროგრამული უზრუნველყოფის ინჟინრად მუშობს, დედა კი ვებ-ერინარია. არაორდინარული უნარებით გამოირჩევა ბიჭის უმცროსი და ტიარაც. ოთხი წლისა, ძმასავით, Mensa-ს (საერთაშორისო ორგანიზაცია, რომელიც ინტელექტის მაღალი კოეფიციენტის მქონე ადამიანებს აერთიანებს) წევრი გახდა.

## ჩინეთში ყალბი ზრინჯი გამოჩნდა

ჩინეთში გაყიდვაში გამოვიდა ყალბი ზრინჯი. მარცვალა, რომელიც კარტოფილისა და ხელოვნური რეზინის ნარევისგან შედგება, ქალაქ ტაიუანის ბაზრებში იყიდება. ადგილობრივი გამოცემა აღნიშნავს, რომ ყალბი ზრინჯი ვიზუალურად ძალიან ჰგავს ნამდვილს, თუმცა ექსპერტები მყიდველებს აფრთხილებენ, რომ მისი მოხმარება საჭმლის მომწეველ სისტემას გამოუსწორებელ ზიანს აყენებს. პრესაში აღნიშნავენ, რომ მას შემდეგ, რაც ქვეყნის ხელისუფლებამ გაყალბებული მარცვლეულის თაობაზე აცნობა მოსახლეობას, პროდუქცია ჩინეთიდან მეზობელ ქვეყნებშიც გავრცელდა — ინდოეთში, ინდონეზიაში, ვიეტნამში. როგორც სპეციალისტები აცხადებენ, ყალბი ზრინჯის აღმოჩენა ადვილი შესაძლებელია, რადგან მოხარშვის შემდეგ კვლავ მაგარი რჩება და სუპსაც დამწვარი პლასტმასისთვის დამახასიათებელი, უსიამოვნო სუნი აქვს.



## „მაკდონალდსი“ ჰამბურგერის გარეშე

საფრანგეთის დედაქალაქში „მაკდონალდსის“ პირველი რესტორანი გაიხსნა, სადაც მხოლოდ სალათი და სასმელი იყიდება. თუ ეს ნამონყება გაამართლებს, სწრაფი კვების რესტორნების ქსელი მალე მთელ ქვეყანაში კიდევ რამდენიმე ობიექტს გახსნის სალათ-ბარით, სადაც ჰამბურგერისა და კარტოფილის ნაცვლად, მხოლოდ სალათი, წვენი და ყავა გაიყიდება. ახალი რესტორანი, რომელიც პარიზის საქმიან რაიონში გაიხსნა, ამ ბრენდის ობიექტისთვის ცოტა უცნაურად გამოიყურება. აქ კლიენტებს შეუძლიათ აირჩიონ სალათი კლასიკური რეცეპტით ან თავად შეაზავონ, გემოვნებით. განსაკუთრებით მოუცვლელს რესტორანი ოლნანშეკვეთებსაც სთავაზობს. როგორც მედიაში აღნიშნავენ, ამ ნამონყებით, „მაკდონალდსი“ სამი კურდღლის ერთ-დროულად დაჭერას აპირებს — ყვება ფრანგულ მოდას, რომელიც ჯანსაღ პროდუქტზეა ორიენტირებული, კონკურენციას უწევს „სტარბაქსს“, რომელიც კლიენტებს ეკოლოგიურად სუფთა პროდუქტით იზიდავს და ზრდის თანხას, რასაც მომხმარებელი რესტორანში ტოვებს: ჩვეულებრივ „მაკდონალდსში“ მზა სალათი 2,5-დან 6 ევრომდე ღირს, ახალში კი ნებისმიერი სალათის ფასი 7 ევრო იქნება.



## წინა ნომერში გასული სკანდორღისა და სუდოქუს პასუხები

ადვილი

5	6	8	7	9	3	4	2	1
7	4	9	2	1	8	6	5	3
3	2	1	6	5	4	9	8	7
4	9	6	8	7	5	1	3	2
8	5	2	4	3	1	7	9	6
1	7	3	9	2	6	8	4	5
9	3	7	1	8	2	5	6	4
6	1	5	3	4	9	2	7	8
2	8	4	5	6	7	3	1	9

სტანდარტი

8	4	3	2	1	7	6	9	5
5	7	2	9	4	6	3	1	8
6	1	9	8	5	3	7	4	2
4	5	8	1	3	2	9	7	6
2	9	1	7	6	8	5	3	4
7	3	6	5	9	4	2	8	1
1	8	5	6	7	9	4	2	3
3	6	7	4	2	1	8	5	9
9	2	4	3	8	5	1	6	7

მე-10 გვერდი: 1. ტრიკონი; 2. რულადა; 3. კისერი; 4. ნარდი; 5. კრატერი; 6. რეზერვი; 7. ტომატი; 8. რუტინა; 9. კლასერი; 10. იდილია; 11. უაგადუგუ; 12. მაუსი; 13. აზიმუტი; 14. ალი; 15. ინანტი; 16. მიურიდი; 17. კრუტუნი; 18. ბუდეშური; 19. გადია; 20. გნუ; 21. ბია; 22. ნალი; 23. დაიმი; 24. მენორა; 25. სია; 26. ქსილიტი; 27. „ულისე“; 28. აფსიდა; 29. დელტა; 30. როსი; 31. სამბო; 32. ვილია; 33. ნანდუ; 34. მურადა; 35. მოსე; 36. დისკუსია; 37. იოლი; 38. აღდაგი; 39. დუნია; 40. ინდიგო; 41. დოში; 42. ჰონოლულუ; 43. იაპე; 44. სუსანა; 45. ბელი; 46. აისი; 47. ხაო; 48. ცუსიმა; 49. რე; 50. ეში; 51. ორმო; 52. ერი; 53. პრალა; 54. პაულუ; 55. აცრა; 56. ემისია; 57. ბეტა; 58. ობი; 59. იასპი.

რთული

3	5	2	1	8	7	9	6	4
9	4	6	2	5	3	1	7	8
1	8	7	9	6	4	2	5	3
6	9	1	8	4	2	7	3	5
5	7	4	6	3	9	8	2	1
2	3	8	7	1	5	6	4	9
8	6	5	4	2	1	3	9	7
7	2	3	5	9	8	4	1	6
4	1	9	3	7	6	5	8	2

ექსპერტი

7	5	2	6	8	4	1	3	9
9	1	4	3	5	2	8	7	6
6	3	8	1	9	7	4	5	2
5	4	3	2	7	6	9	8	1
1	2	9	8	4	5	7	6	3
8	7	6	9	3	1	5	2	4
4	9	5	7	2	3	6	1	8
3	8	1	5	6	9	2	4	7
2	6	7	4	1	8	3	9	5

## იოკო ონომ კლინტონთან ყაჭში ალია



ჯონ ლენონის მეუღლემ, მხატვარმა იოკო ონომ განაცხადა, რომ სასიყვარულო ურთიერთობა ჰქონდა აშშ-ს ყოფილ პირველ ლედისა და ექსსახელმწიფო მინისტრთან, ჰილარი კლინტონთან. ასეთი შოკისმომგვრელი განცხადება ცნობილმა სახემ ლოს-ანჯელესის თანამედროვე ხელოვნების მუზეუმში, ექსკლუზიური ჟურნალის პრეზენტაციისას გააკეთა. მისი თქმით, ჰილარისთან ურთიერთობა გასული საუკუნის 70-იან წლებში დაიწყო, როცა იელის უნივერსიტეტში სწავლობდა, იოკო კი მანჰეტენზე ცხოვრობდა, თუმცა რომანი ორიოდე თვეში დასრულდა. ამ განცხადების შემდეგ პოლიტოლოგებმა ივარაუდეს, რომ სენსაციური ახალი ამბავი ნეგატიურად აისახება აშშ-ს პრეზიდენტობის კანდიდატის, კლინტონის რეიტინგზე. თავის მხრივ, იოკო ონო ამტკიცებს, რომ არჩევნებზე სწორედ ექსპეკტაციულს მისცემს ხმას და მზადაა, მონაწილეობა მიიღოს წინასაარჩევნო კამპანიაში.



**125**  
დასვის პოლიცია  
SECURITY POLICE

**იხმოვრათ მუვიდად**

**დაზოგათ ნელინადუი 300 ლარი**

**ბინა - 60 ლარი**  
**აგარაკი - 100 ლარი**

**ბინას + აგარაკი = 135 ლარი**

**დასვის პოლიციის მიერ დასული სააგარაკე ზონები:**  
წყნეთი, ბათიანი, ქოჯორი, საგარაგო, ზინდისი, ტაბახაძელი, ოქროყანა, ნაკისი, ბოჯორი, ბაკურიანი, კვარიათი, ურბი, ბონიონი, სარფი, ნაგახარე, მისაქიანი, ქოჯორი, ბუღაჩაური, არაგვისიერსა და ნითაღოვალი.

[www.125.ge](http://www.125.ge) SECURITY POLICE 125 SECURITY POLICE 125

**125**  
დასვის პოლიცია  
SECURITY POLICE

**იხმოვრათ მუვიდად**

**დასვის პოლიცია თქვენი ქონება თანამედროვე დასვითი სისტემებით**

**დასვის პოლიცია თქვენი საჭიანოგას მაღალი ქლასის საბრანსპორტო საშუალებებით ახორციელავს. დადაქალასა და რევიონეზი მოქალაქეთა უსაფრთხოებას მუარაბიული რევიონეზის 60 ეკიპაჟი უმსახურება.**

**ღანიჩესტი**

**გახდომისთვის უნიკალურ სანმეფს ამზადებენ**



შვეიცარელმა მეცნიერებმა განაცხადეს, რომ ახალ სასმელზე მუშაობენ, რომლისაც შეეძლება ზედმეტ წონას ფიზიკურ ვარჯიშებზე უკეთ შეებრძოლოს. მათ აღმოაჩინეს ენზიმი AMPK, რომელიც არეგულირებს მეტაბოლიზმს და საშუალებას იძლევა, დაინვას ცხიმის მარაგი. ამჟამად კვლევები სასმელის შექმნაზე მიმდინარეობს, რომელმაც ორგანიზმში ეს ენზიმები უნდა გაააქტიუროს. სწავლულთა განცხადებით, სასმელის ერთი ულუფა დააჩქარებს მეტაბოლიზმს და ცხიმების დაწვას ისევე ძლიერად, როგორც 40-წუთიანი გასეირნება ველოსიპედით, თუმცა მოძრაობის სრულად შეცვლას ვერ შეძლებს: მისი მეშვეობით რომ გახდეთ, მაინც მოგიწევთ სირბილი. როდის გამოჩნდება ეს სასწაულმოქმედი სასმელი, ჯერჯერობით, უცნობია — აუცილებელია მრავალმხრივი ტესტირება, რაც რამდენიმე წელიწადს გაგრძელდება.

**სიყვარული ალკოჰოლივით ათრობს**



აღმოჩნდა, რომ ბედნიერებისა და სიყვარულის ჰორმონი — ოქსიტოცინი ადამიანის ტვინსა და ორგანიზმზე ისევე ზემოქმედებს, როგორც ალკოჰოლი. ჰორმონები ზემოქმედებს ტვინის წინა ქერქზე და ემოციის ცენტრზე, ეს უბნები კი პასუხისმგებელია იმაზე, როგორ გადააქვს ადამიანს სტრესი და შიში რთულ სოციალურ სიტუაციაში — მაგალითად, გასაუბრებაზე ან პაემანზე. ოქსიტოცინიც და ალკოჰოლიც ამ ამოცანებს ადვილად დასაძლევს ხდის, — ამბობენ ბრიტანელი მეცნიერები ბირმინჰემის უნივერსიტეტიდან.



**როდის იწყება ტვინის დაზერება**

ადამიანის ტვინი დაბრებას 43 წლის ასაკში იწყებს, — ასეთ დასკვნამდე მივიდნენ სწავლულები მორიგი კვლევების შემდეგ. ექსპერიმენტებში 40-დან 70 წლამდე ასაკის, 7 ათასი მოხალისე მონაწილეობდა. ისინი ანკეტას ავსებდნენ და თავის ტვინის გამოკვლევას იტარებდნენ. შედეგად აღმოჩნდა, რომ სწორედ 43 წლის ასაკში იწყებს დაქვეითებას გონებრივი შესაძლებლობები. 45 წლის მოხალისეთა 60%-ს ნაწილობრივ ავიწყდებოდა ინფორმაცია, 50 წლისებს კი უჭირდათ მეორე ადამიანის საუბრიდან აზრის გამოტანა. ამასთან ერთად აღინიშნა ტენდენცია, რომ მამაკაცები უფრო სწრაფად და ადრე კარგავენ თავის ტვინის აქტიურობას, ვიდრე ქალები. სპეციალისტები ამბობენ, რომ ეს ერთ ფაქტორს უკავშირდება: მოსახლეობის მდებრობითი ნაწილი უფრო აქტიურია, პასუხისმგებელია, უფრო მეტ ფუნქციას ასრულებს და ეს არ აძლევს მათ ტვინს საშუალებას, მუშაობის აქტიურობა შეამციროს.

**ვერსია**

მისამართი: ქ.თბილისი, სანკტ-პეტერბურგის ქ. 7.  
e-mail: versiaprinti@yahoo.com www.versia.ge  
UDC(უბაკ)070.48:32(479.22)3-387

**დაფუჟინეპელი და მითაგარი ტმლატორი**  
მაია ფურცელაძე (599) 62-88-77  
პასუხისმგებელი ტმლატორი: ნინო ლურსმანაშვილი  
მედიკალური: მაია მიშელაძე, ნინო კომახიძე,  
გიორგი იაშვილი, მარიკა ლომიძე, ნინო ჯაფარიძე.  
სტილისტი — ნინო ებანოიძე  
დიზაინერი — გიორგი ლომსაძე  
ტელ: 2942399

ISSN 1987-8699  
9 771987 1869003

დაცულია საავტორო უფლებები. რედაქციაში შემოსული მასალები უკან არ ბრუნდება. სტატიაში მოყვანილ ფაქტებსა და ინფორმაციის სიზუსტეზე პასუხს აგებს ავტორი. პრეტენზიის შემთხვევაში დაგვიკავშირდით 14 დღის განმავლობაში.